

刑
案
匯
覽

刑案匯覽卷十四

目錄

強盜

強盜分別情有可原法無可貸

強盜殺人六項夥盜分別辦理

行劫衙署夥盜接贓免死發遣

響馬夥盜並未劫掠免死發遣

強盜未經得財遺火燒斃二命

強盜搜賊遺火燒斃事主二命

首盜凍斃事主夥盜免死發遣

強盜殺人情節兇殘罪無可加

強盜行劫官眷船隻無可加罪

白日在途行劫未便以搶奪論

截奪殺人審照強盜部駁搶奪

始雖圖姦終係強劫駁令嚴擬

強盜姦人妻女夥盜免死發遣

屢劫盜犯搶奪婦女從重斬決

首盜擄劫幼女夥犯仍照本例

把風一次另犯搶奪爲盜一次

行竊客船盜犯另犯夥搶婦女

假充黑獍行劫從犯未便加重

土盜乘亂行劫從犯未便輕擬

盜劫案內聽糾看守行李五次

夥盜另又聽從拒捕下手殺人

接賊一次逃後另犯拒捕殺人

把風夥盜被追拒傷鄰佑平復

曠野窩棚寮舍被盜行劫

既經入室雖不搜賊亦應斬決

把風之犯在外助勢情無可原

從盜在途等候事後分贓滿數

糾夥行劫因病不行事後分贓

造意不同行不分贓應按本律

遇脅爲盜乘空逃回分贓塞口

船戶串通盜匪行劫船內客貨

營兵爲盜酌量案情分別梟示

守備寫信勸盜投首辭賂卑鄙

洋盜接賊一次及二次自首者

海江盜劫分別情有可原

洋盜在船頭接賊仍免死發遣

洋盜案內買賊搖櫓寫帳定例

洋盜案內受雇服役情節較重

洋盜擄捉難民逃回被獲省釋

私運蔬菜接濟洋盜比例發遣

洋盜拒捕殺人情重加擬凌遲

臺灣臨時行強之案嚴懲夥盜

投首洋盜巡緝滋事脫逃被獲

洋盜投首免其從前竊劫各案

隨征釋免盜犯復犯情有可原

投首洋盜滋事監禁親老留養

洋盜聽從行劫四次聞拿投首

夥盜入室嚇禁事主聞拿投首

首夥盜犯俱未傷人聞拿投首

行劫妻兄盜首傷人其妻代首

強盜殺人幫毆之夥盜不准首

增

法無可貸夥盜投首供出首盜

強盜自首聞拿投首申明例意

夥盜供出首盜立限緝拿

年幼強盜兩次被脅一次接贓

洋盜強盜年幼擬流應行刺字

減遣強盜聲明免死減等字樣

洋盜逼令入夥脫逃毋庸正法

比照免死盜犯脫逃毋庸正法

斬梟盜犯病故者結毋庸具題

刑案匯覽
盜犯待質不必援引監候處決

圖劫未成已置器械已糾夥黨

行劫未成拒傷兵役

盜賊當贖之贖分別查起著追

刑案匯覽卷十四

強盜

強盜分別情有可原法無可貸

江督 奏強盜一項最爲地方之害是以律載但得財者不分首從皆擬斬決康熙五十四年

聖祖仁皇帝法外施仁特頒

諭旨凡強盜重案著大學士會同三法司將此內造意爲首及殺傷人者於各本案內一二人正法餘俱照例減等發遣欽此雍正五年經九卿遵

旨定議分別法無可貸情有可原將應正法者正法應發

遺者發遣纂入成例遵行在案是強盜一項本律原
應斬決而免死減等擬以發遣乃係

國家矜宥之恩苟非實在情可矜原者卽不得濫邀

順典惟是定例所載除首盜殺人及傷人夥盜并行劫
三次者例應正法又例載行劫二次之夥盜又於每
案內轉糾三人以上及幫助捆毆按捺事主逼索財
物者無論傷人不傷人並不得以情有可原奏請等
語是以各省辦理之法每一案內惟爲首之盜及傷
人捆縛事主并行劫三次之夥盜始問無可貸其

餘俱擬情有可原概予減等發遣非特情罪未平且恐法輕易犯似於辟以止辟之義殊有未符臣再四斟酌必須於定例之中畧為變通請嗣後審理盜案凡跟隨上盜之人詳細確審如實係誘脅入夥及年未成丁或止於在外瞭望無別項兇惡情節者方准依例減等若曾經轉糾黨羽及持火執械入室搜贓情形兇惡者毋論犯案幾次既經得財雖未傷人捆縛事主概不得以情有可原定擬其雖審係誘脅及在外瞭望如犯至二次以上者亦不准減等倘州縣

過於姑息將法無可貸之人避重就輕曲爲開脫一經院司審出卽行嚴案如此庶寬典不致濫邀而兇徒咸知儆懼等因具奏奉

硃批大學士會同該部議奏欽此查律載強盜已行而但得財者不分首從皆斬又例載強盜重案除殺人放火姦人妻女打劫牢獄倉庫干係城池衙門並積至百人以上及響馬強盜江洋大盜老瓜賊仍不分首從皆斬外其餘盜劫之案各督撫嚴行究審將法所難宥及情有可原者一一分晰於疏內聲明大學士

會同三法司詳議將法所難宥者正法情有可原者
發遣又行劫二次之夥盜又每案內各轉糾三人以
上及幫助捆毆按捺事主逼索財物者無論傷人不
傷人並不得以情有可原循例奏請又強盜誣扳良
民其未傷人之夥盜加等照傷人例擬斬立決又情
有可原之夥盜內如果年止十五歲以下審明實係
被人誘脅隨行上盜者無論分贓與不分贓俱問擬
滿流不准收贖各等語是強盜中情罪重大者原有
不分首從悉擬斬決之例其分別法所難宥情有可

原者係專指尋常盜案隨同分贓之夥盜而言惟是定例所載按其行劫次數有無捆捺事主以及曾否轉糾黨羽分別辦理之處原屬統舉大凡而其中同一未經傷人情節輕重各異者例內未及詳明宜逐加分別務使寬嚴協中明立科條以昭畫一今據該督奏稱跟隨上盜並未傷人之犯如實係誘脅入夥及年未成丁或止在外賸望別無兇惡情節者方准依例減等若曾經轉糾黨羽持火執械入室搜賊情形兇惡並犯至二次以上者既經得財雖未傷人捆

總事主概不得以情有可原定擬等語誠嚴賊盜賊
慎重典章之意臣等伏思強盜一項本律原不分首
從悉擬斬決其得免死發遣者本屬

聖朝法外之仁若其中稍涉輕縱非特

曠典不可濫邀竊恐頑梗不率之徒或恃爲成例可援
希圖倖免轉啓法輕易犯之弊應如該督所奏嗣後
審理盜案除殺人放火姦人妻女打劫牢獄倉庫干
係城池衙門並積至百人以上及響馬強盜江洋大
盜老瓜賊仍照定例不分首從悉擬斬決毋庸分晰

法所難宥情有可原外其尋常盜劫未經傷人之夥
犯如曾經轉糾黨羽持火執械塗臉入室助勢搜賊
架押事主送路到案誣扳良民以及雖無前項情節
而上盜已至二次者一經得財均不得以情有可原
聲請俱與首犯一例擬斬立決其止在外瞭望接遞
財物並未入室搜賊并被人誘脅隨行及年歲尚未
成丁或行劫止此一次別無再犯亦無兇惡情狀者
仍依定例照情有可原免死發遣儻地方有司有心
姑息曲爲開脫避重就輕該督撫據實題奏交與吏

部嚴加議處再查乾隆二十三年十二月及二十四
年四月^臣部會同法司議覆蘇撫審題盜首潘松年
岳守城抱賊自首二案該撫援例聲請免死發還經
^臣等以該二犯俱係傷人盜首未便遽行減等請

旨改爲擬斬監候秋審時俱入情實勾決在案應請嗣後
強盜爲首傷人傷輕平復自行投首者悉照此辦理
改爲擬斬監候其餘自首條款仍照定例遵行至盜
案內有在濱海沿江行劫客船者較陸地劫奪爲更
重此種案犯已行得財毋論內地居民及濱海奸匪

均照江洋大盜例無分首從皆擬斬決亦不准分別
法所難宥情有可原以昭炯戒恭候

命下刑部通行各省以奉文之日爲始盡一定擬并載入
例冊等因乾隆二十六年四月二十六日奏奉

硃批依議欽此 照通行錄

強盜殺人六項
夥盜分別辦理

雲南司 查律載強盜已行而不得財者杖一百流
三千里但得財者不分首從皆斬又例載強盜殺人
放火燒人房屋姦污人妻女打劫牢獄倉庫及干係
城池衙門并積至百人以上不分首否得財俱照得

財律斬隨即奏請梟示各等語是強盜例應梟示者
共有六項載之科條原專爲殺人等項情罪較重之
盜犯而設例稱俱照得財律斬奏請梟示此是就殺
人等六項盜犯比照得財律之不分首從凡案內夥
同殺人放火等犯卽屬同惡相濟不復分晰首從一
例間擬斬梟例義顯然至於同行上盜而並未殺人
者自有強盜正律仍按照得財不得財及法所難宥
情有可原各條分別援引以晰決發遣定擬總之一
案情之同異分罪名之輕重各有各情卽各有各例

例本分明罪無牽混前因該省所題盜犯潘泳吉一案以並未殺人之盜亦與殺人之盜一例擬以斬梟是例載六項中所無所以臣部改駁令將殺人與未殺人各照各例辦理以免錯誤也至此外另有全案概擬斬梟者如響馬強盜江洋大盜等項例內卽明載有不分人數多寡曾否傷人依律處決梟示之文此又在前項梟示之外而罪又加重者也節次恭覲瞭如指掌是以各省辦理盜案歷有年所從無錯誤卽臣部核辦成案並非一日亦從無歧異可見定例

行劫衙署夥盜
接賊免死發遣

已極明晰無難按照辦理未便因一省偶爾誤會例
意遽行添註增減徒滋繁牘應將該撫所奏於強盜
殺人條下添註幫同下手字樣之處毋庸議

乾隆四十七年議覆雲撫奏准通行

直隸司 查例載強盜殺人放火姦人妻女打劫牢
獄倉庫及千係城池衙門并積至百人以上不分會
否得財斬決梟示等語至在外瞭望及接遞贓物並
未入室搜賊之犯例內並無不准以情有可原聲請
之文檢查乾隆十七年陝西省盜犯范西河等行劫

鄂縣衙署案內夥盜馮大成等在外看守把風經本部議以強盜例應分別法所難宥情有可原並無干係城池衙門不准分別之條將馮大成等仍照免死減等例發遣在案此案候三聽從王大等行劫鉅鹿縣署內該犯在外等候接賊其同行接賊之趙三因另有行劫威縣李豹臣等案審擬斬決該犯並無行劫別案該省審照情有可原免死發遣核與例義及辦過馮大成發遣成案相符似可照覆奉

批按例前後兩條似應俱行斬梟但既有成案只可照

覆 乾隆六十年 諭帖

響馬影盜並未
劫掠免死發遣

奉天司 題拿獲白二等疊次搶劫將白二等照響
馬強盜例擬斬梟示聽從行劫一次之郭自發一犯
照強盜免死例擬遣一案 職等查響馬強盜一條例
文其來已久近因震字义安無復此等案情是以不
多援引現行例內惟江洋行劫大盜照例辦理此外
人少無兇器者爲搶奪人多有兇器者爲強劫而強
盜則有入室搜賊及瞭望接賊行劫一次分別首從
各專條從無牽引響馬強盜之例此案白二白三等

刑案匯覽

審屬強盜係前
明舊例笈釋云
此例無弓矢軍
器不引雖有弓
矢軍器不得財
不引如有弓矢
軍器傷人不得
財依白晝搶奪
傷人斬不引此
例以其無賊證
也

卷一百一十五

八

與先獲正法之劉德等豐次行劫前經吉林將軍先
後拿獲劉德王五二名審明該二犯乘馬持械白日
行劫實與響馬無異依例擬以斬梟並聲明若稍稽
顛戮恐頑惡毫無警畏地方亦難安靖當經恭請

王命將劉德王五二犯正法先後奏結在案今據該省拿
獲白二白三審明該二犯行劫十餘次與劉德王五
均屬同夥將白二白三亦依響馬強盜擬以斬梟係
為嚴懲兇暴安靖地方起見自應與先經奏結之劉
德等並一辦理至郭自發一犯檢閱供招據該犯供

稱係逸盜胡八執持鐵簡向事主嚇禁下馬與白三
劫得騾馬等物跑走此外別無同夥劫竊等語是該
犯隨同上盜並無兇暴情形亦未劫掠賊物且夥劫
止此一次該省將郭自發照強盜情有可原例免死
發遣衡情定罪似屬允協雖響馬強盜例無首從之
分該省審辦此案因白二等白日疊劫十餘次之多
兇暴衆著原係酌情擬斬從嚴示警究非實在響馬
強盜援引本例之案可比若移情就律將聽從夥劫
一次之犯亦與疊劫之犯一律同擬斬梟轉失殺一

強盜未結得財
遺火燒斃二命

警百刑期無刑之義郭自發一犯似可一併照覆毋

庸議駁

嘉慶二十五年說帖

廣西司 查例載賊犯遺火延燒不期燒斃事主一

二命者俱照因盜威逼人致死律擬斬監候各等語

此案陳世易聽從陳世科行劫羅萬善家陳世易點

燃油捻照亮一齊撞門事主羅萬善鳴鑼喊捕伊等

慮被拿獲當各畏懼逃遁並未得財伊將油捻隨手

撩棄不期將門首草堆引燃延燒屋上茅草將房屋

燒燬並事主弟婦羅陸氏及其三歲幼子羅苟三均

各燒死該撫以定例惟有賊犯遺火燒斃事主一二
命擬斬監候並無強盜未得財遺火燒斃事主治罪
明文可否將陳世易照因盜威逼人致死擬斬監候
該犯遺火燒斃一家二命情節較重請

旨卽行正法之處咨請部示等因查強盜殺人放火罪應
斬梟該犯遺火燒斃事主與有心放火殺人者不同
未便援引斬梟之例惟竊盜遺火燒斃事主一二命
尙應斬候強盜重於行竊雖例無明文自應酌量加
重問擬應如所咨陳世易一犯卽應比照竊賊遺火

強盜搜賊遺火
燒斃事主二命

燒斃事主一二命之例擬斬監候奏請卽行正法以
示區別而昭炯戒應令該撫速飭審擬具題

道光十一年說帖

安撫 題李三等夥竊臨時行強遺火燃燒致斃事
主幼子二命一案 職等查強盜得財入室搜賊者斬
決殺人及放火燒人房屋者斬梟又因盜威逼人致
死者斬候如致死二命非一家應從一科斷若因盜
威逼致死一家二命例雖不言有犯自應酌擬斬決
至強盜遺火延燒房屋因而致死人命律例均無明

文惟查因行竊遺落火煤燒死事主一命之案向俱
照因盜威逼致死律擬斬監候况強重於竊死係一
家二命自應加重辦理此案李三起意糾竊臨時行
強與王五入室搜得賊物走山王五將火把丟藥院
內不期風大吹燃院內秫秸延燒房屋致將在房睡
卧之事主幼子二人燒傷殞命該省以例無作何治
罪明文仍照強盜得財本律將法所難宥之李三王
五二犯均擬斬立決查該犯等遺火燒斃事主因此
強盜殺人及放火者爲輕較之僅止得財未致釀命

者則重如果燒斃一命尙可以爲因盜威逼致死律
止斬候輕罪不議今事主已被燒斃二命又係一家
且均係未及十歲幼孩死者之家太覺情慘即使強
盜而未得財或未入室本罪不至死者亦應從重斬
決况係得財搜贓本應斬決之犯未便置憐斃二命
重情於不議罪坐所由似應將遺棄火把以致燃燒
之王五於斬決上加擬梟示視強盜僅止得財未致
釀命及因竊致死一家二命者既有區分亦與強盜
殺人止一命及放火未燒殺人已應斬梟者無所窒

礙

稿尾

此案李三糾竊事主高如翰家牛隻被事主

驚覺臨時起意行強搜得贓物實屬法所難宥應如
該撫所題法所難宥之李三合依強盜已行得財律
擬斬立決至王五一犯聽從行強入室搜賊將所持
火把丟棄院內燃及院堆秫藁延燒房屋致在房睡
卧之事主幼子二人均被燒傷斃命查因竊遭火燒
斃事主一命已應照因盜威逼致死律斬候況該犯
係強劫得財事主幼子二人均被燒斃未便與法所
難宥之盜犯一例擬以斬決竟置協斃一命之重情

自盜案事主
形盜免死發遣

於不議王五應依強盜得財律擬斬立決仍加擬梟
示以昭炯戒 嘉慶二十二年說帖

北撫 題汪貴等行竊熊倫家臨時行強一案 職等
以強盜殺人擬以斬梟之例似係指盜犯下手致死
者而言若係強劫致事主畏避奔逃受殞身死究與
立被手刃者情節有間例內既無事主因被盜劫以
致斃命之文自未便卽科以強盜殺人之罪議請照
覆奉

批細查成案詳核等因遵查乾隆六十年有江蘇省題

張五了頭竊行竊事主徐文有船上錢物致事主姪女孫徐氏失足落河身死一案又嘉慶十五年廣西省題陸全德糾劫客船衣物致事主蘇芝偉失足落

河淹斃一案張五了頭陸全德二犯均係照強盜殺

人例斬決梟示經本部題覆在案此案汪貫糾夥行

竊臨時行強致事主之妻史氏畏懼心慌奔至附近

巖洞藏匿受凍身死核與張五了頭等案因行劫致

事主驚慌失足落河溺斃者情事相同既有照強盜

殺人問擬斬梟成案自應一例改擬

稿尾查律載共

強盜

謀爲竊臨時行強以臨時主意及共爲強盜者不分
首從論又強盜已行而但得財者不分首從皆斬又
例載強盜殺人斬決梟示又盜劫之案各督撫嚴行
究審將法所難宥及情有可原者一一分晰於疏內
聲明大學士會同三法司詳議將法所難宥者正法
情有可原者發遣各等語此案汪貴糾夥行竊熊倫
家因熊倫驚醒查問該犯卽起意行強熊倫復大聲
喊嚷該犯卽以再喊定卽放火燒房之言恐嚇熊倫
同妻史氏畏懼逃出史氏在巖洞藏匿受凍身死是

強盜殺人情節
兇殘罪無可加

史氏之死實由該犯行強恐嚇所致自應照強盜殺人例科斷該撫仍照強盜法所難有本例擬以斬決殊未允協汪貴應改依強盜殺人例擬斬立決梟示至王甫庭一犯既據聲明該犯僅在門外接賊行動亦僅止一次尙屬情有可原應如所題王甫庭應照強盜免死減等發遣例發吉林爲奴

嘉慶十七年諭帖

安撫題孫勇疑挾嫌行竊臨時行強殺死事主鄒

毛氏一案查律載支解活人者凌遲處死又例載奉

欲支解其人行兇時勢力不遂乃先殺訖隨又支解

廣齊奏強盜羅亞佳羅亞貴夥劫劉維尊銀物持械過船本屬罪應斬決乃逃竄年餘官兵追捕磨敢逞兇抗拒羅亞佳傷斃外委羅亞貴砍傷兵丁將羅亞佳依強盜殺人例擬斬從重凌遲羅亞貴擬以斬梟俱先行正法乾隆五十五年所見集案

惡狀昭著者以支解論各等語誠以律貴誅心雖先殺訖後又支解而其立意本欲支解活人因一時勢力不遂下手於已殺之後故仍以支解論罪若本非蓄意支解迫殺死後復逞兇疊砍卽至洞胸斷臂與殘毀死屍無異自應仍科以殺人本罪不得與立意支解活人者並論此案孫勇疑挾鄒毛氏搗破賊名之嫌卽往鄒毛氏家行竊撬門入室鄒毛氏聞響驚醒未及穿衣卽行起捕該犯跑出屋外天井被鄒毛氏用鐵鍬趕毆該犯奪鍬回毆鄒毛氏認係該犯

指名叫罵聲言告官究治該犯起意殺死劫財隨轉
身用鐵門屠刀疊砍鄒毛氏胸後顙顙左右顙角右
肩甲右胳膊等處立時氣絕殞命該犯憶及被鄒毛
氏揭破賊名致被村衆驅逐不能存身今既砍死復
起意多砍數刀以消積忿當又疊砍鄒毛氏屍身右
胳膊胸膛心坎右血盆右腋肘石乳致將乳已被砍
骨斷之右胳膊砍落並致心肝一併掉出據該省驗
明右胳膊砍斷處所及胸膛刀砍情形均無血瘡實
屬死後傷痕並將該犯用刑夾訊堅供實無支解之

心將該犯照強盜殺人例擬以斬梟具題

職

等詳核

案情如果該犯蓄意支解活人當其入室之頃鄒毛

氏睡夢未醒正可乘機下手何以先行攪賊一聞聲

喊卽行跑出如果該犯因被鄒毛氏認破臨時起意

支解則鄒毛氏係一年老婦人並非力不能制何必

俟殺死之後始行支解是該省驗訊委非支解情形

尙屬可信在兇賊之肆行殘暴固屬殺有餘辜惟既

非蓄意支解則罪至斬梟已無可再加若駁令再審

亦必仍照原擬登覆徒使決不待時之犯輾轉稽誅

強盜行劫官督
船隻無可加罪

似祇可照覆

嘉慶十七年說帖

福撫題溫添發等聽從逸盜張五滿行劫候補從
九品馬廷鼎家眷船上銀物一案查例載官員接送
眷屬乘坐船隻被竊財物計賊照尋常竊盜加一等
治罪等語詳核此案張五滿因探知在閩試用從九
品馬廷鼎家眷自省攜帶行李雇船赴楚探親起意
在途行劫糾同溫添發等共十一人趕赴途次劫得
贓物俵分各散查行竊官眷船隻例有加等治罪之
條至行劫罪已斬決發遣故例無叻重明文該省將

白日在途行劫
未便以搶奪論

現獲之溫添發等依強盜本律擬斬立決聲明溫添發邱細滿法無可貸劉得隴陳五妹情有可原罪名俱屬允協似可照覆

嘉慶十六年說帖

蘇撫題楊賈芝等行劫胡允梅銀物又張元茂等聽從行劫殺死事主龍芳秀等二案查律載強盜已行而但得財者不分首從皆斬又例載盜劫之案各督撫嚴行究審將法所難宥者正法情有可原者發遣又糧船水手夥眾十人以上執持器械搶奪爲首照強盜律治罪爲從減一等又搶奪財物如有聚匪

十人以上及雖不滿十人但執持器械倚強肆掠果
有兇暴眾著情事者均照糧船水手例分別首從定
擬各等語又查嘉慶二十一年三月內廣西省題岑
溪縣盜犯蒙亞八聽從逸盜莫奇瀚行劫事主陳書
家銀物一案該犯等係白日至事主家內搜劫該省
依強盜已行得財律問擬又二十二年該省題百色
廳盜犯沈應林聽從逸盜閉亞長等行劫事主王心
源船隻銀物一案該犯等係白日上船行劫該省照
強盜已行得財律問擬均經本部照擬題覆在案

等謹按強盜之與搶奪罪名迥殊而界限之辨甚微
搶奪本門律註云人少而無兇器者搶奪也人多而
有兇器者強劫也搶奪例內又有糧船水手及聚眾
十人上下分別有無兇器爲首擬斬爲從減等之條
是人多而有兇器之案原不能概以強盜律之然總
須究其預謀起意之時或係搶奪或係強盜以憑引
斷至昏夜之於白晝在途之於在室似難泥爲搶劫
之限如起意原止行搶初非有意傷人而臨時乘事
主不備攫取財物之後迫被捕追殺傷事主之案雖

人多而有兇器或晝夜在道或白晝在村仍可接搶
奪律例分別治罪儻起意本係行劫而臨時在途逃
截行客先將事主打傷嚇禁聲揚因而搜取財物甚
至先毆事主致斃因而搜取財物之案自不得不以
強盜論非必晝夜打家劫舍而始爲強盜也此二案
均係預謀行劫同夥在六人以上執有兇械一則楊
曹芝臨時先將事主胡允梅主僕拉下驢頭用棍嚇
打倒地事主喊叫該犯等用刀嚇禁搜取身邊銀兩
剝脫衣服並取驢上行李錢文而散一則張元茂等

臨時將事主龍芳秀揪住強剝皮馬褂囚龍芳秀掙
扎逸盜劉岫用刀連戮事主龍芳秀倒地縛其手足
令逸犯陳懷璽等用繩鞭將龍芳秀亂毆事主潘兆
統趕護陳懷璽等同該犯張元茂各用繩鞭毆傷潘
兆統倒地均各斃命然後剝取衣服鞋襪搜取食物
而散核其情節均屬預謀爲盜臨時肆惡逞強與出
其不意搶奪財物因事主拿捕始行拒捕者迥不相
侔自不便以時在旁晚地屬道路寬其行劫殺傷事
主之罪該省將此二案均依強盜本律本例辦理

載奪殺人審照
強盜即駁搶奪

爲從幫同下手
有傷擬絞係屬
舊例今已修改

屬允協似可照得 道光二年說帖

山東司 查律載強盜已行而但得財者不分首從
皆斬又例載強盜殺人奏請斬決梟示又盜劫之案
大學士會同三法司詳議將法所難宥者正法情有
可原者發遣又律載搶奪人財物者杖一百徒三年
又例載白晝搶奪殺人者擬斬立決爲從幫同下手
有傷者不論他物金刃擬絞監候又凡明白晝搶奪
要先明犯事根由然後揆情剖決在白晝爲搶奪在
夜間爲竊盜在途截搶者雖昏夜仍問搶奪止去白

畫二字又註云人少而無兇器搶奪也人多而有兇
 器強劫也各等語此案據該撫疏稱李啓用起意邀
 同李發容李發成在途搶奪張方煦等錢物李啓用
 先令李發容用棍毆傷事主之弟張方智項頸昏跌
 倒地李發成往視被事主張方煦用鞭毆傷左眼並
 手腕左腿李發成畏懼卽先逃跑李發容瞥見持棍
 毆傷張方煦偏左跌倒李啓用亦用棍毆傷張方煦
 額顱腮腮至次日殞命該犯李啓用等糾夥三人邀
 截道路毆傷事主以致一死一傷實與強劫無異將

李啓用李啓容俱照強盜殺人擬斬立決梟示李發
成照情有可原擬遣具題查強盜殺人之案必須各
犯先定有強謀公然肆劫或人多而帶有兇器蓄意
行強者故一經殺人卽行斬決梟示至在途截搶人
數雖多並未帶有兇器偶致殺傷事主者應照搶奪
殺人分別首從定擬雖搶奪殺人與強盜殺人爲首
之犯俱應斬決止有梟示不梟示之分而爲從幫同
下手有傷之犯在強盜則同擬斬梟在搶奪則罪止
絞候若事犯在木年

恩赦以前奉

旨加杖二十准其免罪是強盜之與搶奪罪名輕重懸殊律例各有專條擬斷不容牽混今李啓用等既據該撫訊明結夥三人各持木棍在途截搶毆打事主一死一傷核其情節實係搶奪殺人而該撫定罪則以與強劫無異遂照強盜殺人例不分首從均擬斬最是訊取搶奪之供律以強盜之罪未爲允協備該撫或因案有未確從嚴定擬卽應將各犯起解各情據實究明按例定擬又該撫擬以情有可原之李發成

於該犯等未經毆死事主之前已被事主張方煦打傷畏懼先行逃跑按搶奪本律罪止杖徒原題照情有可原例發遣亦未確實職等詳加酌核似應議駁
嘉慶元年說帖○駁覆案錄後

從犯絞例嘉慶九年修改

山東司 查律載強盜已行而但得財者不分首從皆斬又例載強盜殺人奏請審決梟示又白晝搶奪殺人者擬斬立決爲從幫同下手有傷者不論他物金刃擬絞監候又凡問白晝搶奪要先明事犯根由然後揆情剖決在白晝爲搶奪夜間爲竊盜在途截

搶者雖昏夜仍問搶奪止去白晝二字又註云人少而無兇器者搶奪也人多而有兇器者強劫也各等語是強劫之案人多而帶有兇器蓄意行強方爲強盜故一經殺人卽不分首從斬決梟示至於人數無多並未帶有兇器而在途截搶以致殺傷事主者自有搶奪殺傷人之例引斷不容牽混此案李啓用起意邀同李發容李發成搶奪過客同夥止有三人並非人多該犯等分攜木棍柳枝亦非例載兇器更餘時分潛匿山澗值事主張方煦兄弟用驢馱載錢物

經過走至背後棍毆事主倒地搶取錢物實屬昏夜
在途截搶其先後將事主張方智毆傷並將張方煦
棍毆致斃據該撫所訊供詞甚屬確鑿正係搶奪殺
人乃該撫因該犯等糾夥截路於毆倒事主之後搶
取錢物一死一傷將李啓用李發容照強盜殺人俱
擬斬梟是訊取搶奪之供而律以強盜之罪於例未
符雖此等兇匪原無足惜但供勘兩歧不足以成信
獻至夥犯李發成於各犯未經毆死事主之前已被
事主張方煦打傷畏懼先逃若按搶奪罪止擬徒今

照情有可原擬遣亦未允協總之此案該撫或因該犯結夥兇搶致斃人命恐其中本有起意強劫到官捏供搶奪希圖避就情事應卽將各犯嚴切根究務取真正強劫確供按例治罪不得任其狡展若果係搶奪則自應援引搶奪殺人本例科斷毋得任其游移兩可之供輒行從重擬斬梟之罪致使情法兩不相符應令詳訊妥擬去後茲據覆訊明確該犯等實止起意搶奪同夥僅止三人亦只攜帶木棍柳枝並無兇器查李啓用僅止首夥三人在途截搶並非

始難圖姦殺係
強劫駁令駁擬

糾眾強劫誠未便因其毆倒事主一死一傷從重概

擬斬梟之罪應將李啓用改依搶奪殺人例擬斬立

決李發容依爲從下手有傷例擬絞監候李發成依

搶奪爲從例杖九十徒二年半

嘉慶三年題准案○
照駁案新編錄

廣東司 查圖姦通命之案必始終俱係圖姦並無

別情方得引因姦致死之律科斷若事起圖姦而終

成強劫者讞獄者必重究其強劫之罪而置圖姦起

釁之輕情於不議則論斷斯無枉縱此案該撫旣稱

鄭興祖圖姦張阿番不遂起意糾允鄭雙目等搶毀

張阿番鋪內貨物挾制圖姦是夜三更一共五人齊抵該鋪誑開鋪門進鋪將貨物搶毀跑走張阿番追趕不及轉回忿急自縊身死臣等詳核案情鄭興祖如果意在圖姦當進門之時自必先向求姦因其不從始行打毀器具以爲挾制何以進鋪後並無提及圖姦一語追搶得銀兩入手卽行跑走亦不記及伊等因圖姦而來供招內該犯往邀鄭雙目等亦祇云前往毀搶得贓分用並不提及圖姦挾制情由是鄭興祖等專爲強搶而並非圖姦已可概見時當半夜

同夥五人肆行打搶致令事主自縊頭係圖得財物
夥衆強劫承審官明知盜犯不分首從皆斬重於因
圖姦威逼之條遂因該犯前有圖姦之供後有如不
從姦再來毀搶之語曲爲遷就科以因姦威逼以致
案情未確罪有枉縱應令研訊確情另行妥擬

嘉慶十一年說帖

竊盜姦人妻女
夥盜免死發遣

江蘇司 查例載強盜姦污人妻女不分首從得財
俱照得財律斬奏請梟示又律載強盜已行而但得
財者不分首從皆斬又共謀爲竊臨時不行而行者

爲強盜其不行之人係遺意分贓知情不知情並爲竊盜首係餘人分贓俱爲竊盜從以臨時主意及其爲強盜者不分首從論又例載強盜重案除定例殺人放火姦人妻女打劫牢獄倉庫干係城池衙門並積至百人以上及響馬強盜江洋大盜老瓜賊仍照定例遵行外其餘盜劫之案將法所難宥者正法情有可原者發遣各等語是殺人放火姦人妻女等項盜犯情罪尤重誠如來錢例內分別法無可貸情有可原者係除去殺人等項而言凡殺人等項盜犯俱

照例不分首從自不在聲請情有可原之例惟律稱
不分首從者如殺人則有幫同下手輪姦則有幫同
按捺之犯並有目擊殺人姦污之人與在場助勢者
凡此等共爲殺人姦污之從犯自不得以情有可原
聲請其並未在場及不知輪姦之從犯仍各以本律
科罪猶之共謀爲竊臨時行強以臨時主意及共爲
強盜者不分首從論其不行之人卽知情分賊亦止
科竊盜本罪也此案胡葵商同陳阿宛衛小阿三行
竊事主之妻張氏驚覺陳阿宛起意行強衛小阿三

喝令該犯在外把風陳阿宛等搜劫衣物交結該犯
先行接運回船陳阿宛等復進內將張氏輪姦是該
犯聽從喝令把風係屬共爲強盜迫陳阿宛等輪姦
張氏時業已攜贓回船並未在場是不知內有輪姦
之事如該犯當陳阿宛在內行強時僅止在外接贓
並無聽從喝令把風之情尙得以行竊本律定擬該
撫因胡葵業已聽從把風照情有可原發遣卽如本
案內之蔡得珠在船看守不知強情仍以竊盜計贓
擬杖正是各科各罪與定例相符是以照擬核覆至

強劫盜犯搶奪
婦女從重新決

陳阿宛衛小阿三於該犯走後在內輪姦與該犯毫無干涉自不便一例問擬此案似可照覆茲准簽商為此登覆

嘉慶二年議覆江南道簽商說帖

廣西撫題盜犯廖二疊次行劫並強搶馬王氏姦

污一案

職

等查廖二疊次行劫例應斬決其強搶馬

王氏姦污僅止該犯一人並非聚眾夥謀按強奪良

家妻女姦占律罪應擬絞係屬輕罪今該省牽引搶

奪婦女之例節刪聚眾夥謀四字聲明廖二強搶馬

王氏姦污亦應斬決遞照身犯兩項俱應斬決例加

首盜擄劫幼女
夥犯仍照本例

擬梟示實屬錯誤該司將該犯改照強盜已行得財
本律擬斬立決洵屬允協應請照辦

嘉慶二十一年
說帖

廣西撫 咨拿獲盜犯陳大士等請示一案查例載

盜劫之案法所難宥者止法情有可原者發遣又聚
衆夥謀入室搶奪婦女爲首斬立決爲從絞監候各
等語是搶奪婦女分別首從擬以斬決絞候之例係
專指聚衆夥謀搶奪者而言其非聚衆夥謀仍按強
搶姦占本律科斷不得援引聚衆夥謀之例若始謀
意在強劫入室之犯乘便擄掠婦女在外把風之人

既未商謀同搶卽非聚眾夥謀按強奪本律首犯擬絞從犯擬流未免輕縱自應仍依盜劫本律分別首從正法發遣所謂從其重者論也此案盜犯隆燕祥陳大士聽從逸犯陳亞六等糾劫潘王氏家衣物並陳亞六劫出幼女售賣既據該撫審明隆燕祥等二犯係聽從行劫在外把風接贓迨陳亞六將幼女劫出幫同輪流背走是陳亞六劫出幼女係臨時乘便獨自攜掠該二犯原係同謀爲盜不知夥搶婦女情事其事後幫同背負自不得以聚眾夥謀論核與嘉

把風一次另犯
搶奪爲從一次

慶八年該省辦過廖泰才案內情有可原夥盜陳廣
悅等情節相同自應仍按盜劫本律辦理至嘉慶六
年本部議覆安徽臬司條奏強搶婦女爲從應擬絞
候之例係專指聚眾夥謀強奪婦女者而言與此案
兩不相蒙應令該撫即將現獲夥犯隆燕祥等嚴行
訊究是否共謀爲盜抑係夥謀搶奪婦女按照本例
審擬具題

嘉慶十二年說帖

直隸司 查張存有等各帶器械共夥八人行竊事
主張仲家王二臨時起意捆縛事主搜取財物張存

有等在外把風係臨時行強照強盜例分別法無可
貸情有可原科斷並無錯誤惟該犯等聽從王二又
於白日在途執持器械搶奪蒙古公達瓦錫里等馬
匹用石撩擲驚嚇事主查閱供招係起意搶奪時在
白晝應照糧船水手例分別首從辦理是張存有張
存信二犯係搶奪爲從罪止滿流應歸於行劫張仲
家在外把風案內以情有可原聲請今該省亦照強
盜例以行劫已至二次以上問擬斬決是訊取搶奪
之供而律以強盜之罪供勘不符應駁令研訊確供

行劫客船盜犯
另犯夥搶婦女

另行定擬

嘉慶五年說帖○此案施據遵駁將張存
有張存信從重照強盜免死發遣

北撫

題朱一柏等聽從行劫又夥搶婦女遵照部

駁改擬絞候並聲請另立科條一案查此案朱一柏

周朝相二犯聽從在逃之李起宜行劫客船一次又

聽從在逃之胡志中夥搶婦女一次先經該撫以該

二犯聽從行劫二次係屬法所難宥均擬斬決具題

經本部以該二犯聽從行劫僅止板住客船應以情

有可原發遣其夥搶婦女為從罪應絞候二罪俱發

以重者論若該二犯聽從行劫一次之外仍有盜劫

別案則當專計行劫次數按律擬罪如僅止行劫一
次聽從搶奪一次未便將搶奪之案與盜劫之案併
計駁令另擬茲據該撫遵駁將朱一柏周朗相收依
夥搶婦女已成爲從例擬絞監候具題應如所擬辦
理至該撫疏稱查強盜本律原不分首從均應擬斬
立決定例因其情有可原姑免死罪係屬法外之仁
若因其另犯斬絞監候罪名乃反將原擬斬決作爲
輕罪不議不特與尋常案犯無所區別並恐外省間
刑衙門援引拘泥未能恰當致有遷就出入此後如

遇有例得免死發遣之賊盜或先或後曾犯搶奪路
行婦女謀財害命以及川匪糾夥搶劫輪姦良人婦
女圖財放火搶掠等案可否酌量科斷等語查律載
二罪俱發以重者論罪各等者從一科斷等語誠以
一人身犯數罪事所常有均應畧其輕罪而治其重
罪卽兩犯應死罪名亦須從一科斷俟秋審時再統
核前後所犯情節分別定擬情實未便於定案時預
行加重通算全科若強劫與搶竊三項情罪懸殊不
能以強劫之案歸入搶竊案內併計亦不應以搶竊

之案歸入強劫案內併計致滋罪名出入至強盜案
件律稱不分首從皆斬例內旣以情有可原免死減
遣自應以發遣爲本罪若情有可原遣犯又另犯一
罪例應斬絞與盜案無涉自應以情有可原之遣罪
爲輕而以另犯之斬絞死罪爲重照律從其重者論
猶之毆死總麻尊長罪于斬候之案死在正限之外
例應奏請減軍若另犯關毆致斃一命或搶竊逾貴
罪應絞候卽應以由斬減軍之罪爲輕而以另犯之
絞罪從重論設因其另犯絞罪遽於例外加重入斬

不惟與二罪俱發以重論之律相背且以既減之罪復又重科亦與獄典有乖卽據該撫所指圖財害命川匪糾搶場市搶奪婦女輪姦婦女棍徒圖財放火延燒房屋各條內惟圖財放火一條例內載明照強盜定擬如一人犯強盜情有可原遣罪又犯圖財放火爲從亦係情有可原例應發遣自應照強盜行劫二次之例併計予以斬決其餘各條定例既不與強盜同科在首從各犯應擬斬絞者本罪已應至死另犯係情有可原發遣輕罪仍應照二罪俱發以重論

假充黑標行劫
從犯未便加重

之律科斷其從犯罪在軍遣以下又另犯情有可原
應行發遣應卽以強盜免死發遣重罪論總之情有
萬殊例歸一致惟確守律例以區定罪名庶不至畸
輕畸重所有該撫聲請免死發遣夥盜曾犯斬絞死
罪按其先後所犯情節酌量科斷之處應毋庸議

嘉慶二十二年說帖

聖南司 查楊鬍子等假充黑標行劫村民其在村
外把風之蘇老五楊老七二犯應否照情有可原一
稿此案楊鬍子等假充黑標行劫較之強盜情節洵

士盜乘亂行劫
從犯未便輕擬

覽更重但爲首之楊鬍子及入室搜賊之金五順等
均照強盜例問擬旣不能因其假充無徧另行加重
則在村外把風之蘇老五等二犯只得以情有可原
聲請否則入室搜賊與在外把風者究覺無所區別
茲據該省分別定擬似可照覆

嘉慶六年說帖

東撫 咨朱太普家被劫案內夥盜耿鳳雅等擬以
枷杖一案查此案前據湖北巡撫題報拿獲盜犯李
大爲等案內聲明已獲之耿鳳雅馮子盛張三法陳
秋四犯查據山東巡撫擬以枷杖發落經本部以耿

鳳雅等均係聽從行劫夥盜如僅止在外把風其罪亦應擬遣彼時作何擬以枷杖批結之處應令山東巡撫將耿鳳雅等傳案另行照例審擬具題去後今該撫咨稱查事主朱太普呈報土盜乘亂搶劫經縣拿獲盜犯田有馬奉直王三麻張三法陳秋耿鳳雅馮子盛等到案時值曾定教匪滋事入於逆案辦理將法無可貸之士盜田有馬奉直王三麻正法夥盜耿鳳雅等擬以枷示責釋等因查耿鳳雅等均係聽從李大爲等夥衆搶劫其爲首之李大爲等業經正

盜劫案內聽糾
看守行李五次

法其聽從夥搶之犯卽應照爲從例擬遣該省將該
犯等照土盜章程僅止隨同偷竊擬以枷示責釋以
夥衆搶劫之案而引隨同偷竊之條殊未允協該司
駁令傳訊另行定擬洵屬允當應請照辦
嘉慶二十一年說帖
河撫題王三等行劫王和聚等家案內之王六聽
從行劫五次俱在集外看守行李較把風接賊之案
稍輕惟該犯明知盜劫屢次聽糾同往未便稍爲寬
貸將王六比照情有可原盜犯發遣例發新疆爲奴

道光三年案

夥盜另又聽從拒捕下手殺人

川督 題秦登寬糾夥竊劫黃商王樵大海等家拒死事主樵大海一案查例載盜劫之案法所難宥者正法情有可原者發遣又竊盜事主事後搜捕起意拒捕者仍依罪人拒捕本律科斷又竊盜殺人之案如有主使以主使爲首下手爲從其同竊不知拒捕情事者仍各照竊盜本律論各等語此案秦登寬於嘉慶八年二月糾司伊子秦廷宗並曹萬益等行劫黃商王家秦登寬入室搜賊棒毆事主秦廷宗在外瞭望嗣於六月內秦登寬又起意糾同曹老么等行

竊樵大海家迨八月內樵大海知係秦登寬等竊盜
邀同樵正榜等前往搜捕秦登寬情急隨令秦廷宗
用棒毆傷樵大海倒地殞命並毆傷樵正榜平復職
等查秦登寬行劫黃商玉家入室搜賊毆傷事主係
屬法所難宥罪應斬決其行竊樵大海家樵大海於
事隔兩月前往搜捕係屬事後秦登寬主使伊子拒
捕致死例應以罪人拒捕科斷主使之入爲首罪止
斬候至秦廷宗聽從伊父行劫黃商玉家在外睜望
係屬情有可原罪應發遣其伊父行竊樵大海家該

接賊一次逃後
另犯拒捕殺人

犯並未同竊追事後拒死樵大海係聽從伊父主使
下手之人爲從依例罪止滿流二罪並發各從其重
者論該督將秦登寬擬以斬決秦廷宗擬以發遣均
與例相符應請照覆

嘉慶十年說帖

廣西撫 題蒙扶交行竊拒殺事主李大華一案查
例載竊盜逃走事主事後追捕有拒捕殺傷者依罪
人拒捕科斷又律載罪人拒捕殺所捕人者斬監候
又例載免死減等遣犯逃後復行兇爲匪及拿獲時
有拒捕者照原犯死罪卽行正法各等語此案蒙扶

把風夥盜被追
拒傷鄰佑平復

交先會聽從行劫一次在外接賊事發在逃與到配
脫逃不同茲復又行竊拒殺事主兩案同時並發自
未便與在配脫逃行兇爲匪並拿獲時拒捕之案一
例問擬應從其重者論卽照拒捕殺人之例科斷該
省審將該犯依罪人拒捕殺人律擬以斬候與例相
符應請照覆

嘉慶二十二年說帖

東撫題趙六聽從行劫逃走後被追拒傷鄰佑可
否仍照情有可原聽候部議一案查例載尋常盜劫
未經傷人之夥盜如曾經轉糾黨羽持火執械途險

入室助勢搜賊架押事主送路到案証扳良民並行
劫已至二次及濱海沿江行劫過船搜賊者一經得
財俱擬斬立決不得以情有可原聲請其止在外瞭
望接遞賊物並未入室過船搜賊並被人誘脅隨行
上盜或行劫止此一次並無兇惡情狀者仍以情有
可原免死發遣等語是夥盜得以情有可原聲請者
原指未經傷人之犯而言其雖未傷人而有轉糾黨
羽等重情卽不以情有可原論蓋以夥盜罪有斬決
發遣之分應以行劫時有無兇惡情狀爲斷若於行

劫之時一經傷人是其意在得財已有兇惡情狀卽
不得以情有可原聲請至已離盜所逃走之後被迫
拒捕則是意止圖脫自不在盜劫傷人之例此案趙
六聽從蔡六行竊蔡六臨時起意行強趙六等允從
在外把風蔡六推門進內劫去牛隻逃走經鄰佑追
捕趙六行走落後一時情急用繩鞭拒傷而逸該省
聲明趙六拒傷鄰佑應否仍照情有可原例無明文
聽候部議等因查趙六聽從行劫在外把風僅止一
次該犯於已經逃走之後因被鄰佑追捕情急圖脫

竊野竊棚舍
被盜行劫

拒捕與盜劫臨時傷人者不同止應加拒捕罪二等
該犯罪已擬遣無可復加應仍按本例發新疆爲奴
道光元年曉帖

盛京刑部 咨奉省各處村屯多有在曠野地方搭蓋
窩棚住宿看守禾稼牧放牲畜其窩棚內亦有錢文
衣物遇有被盜搶劫之案應否援引入室搜賊例辦
理咨請部示等因查例載盜劫之夥犯如曾經入室
搜賊者擬斬立決其止在外瞭望接遞賊物並未入
室搜賊者仍以情有可原免死發遣等語是審斷強

盜罪名有入室不入室之分例內室字自以是否卽
係事主居止處所爲斷至曠野搭蓋窩棚及草寮等
項遇有盜劫雖例無明文但事主旣以窩棚草寮藉
資障蔽藏有衣物卽與室廬無異是以本部向來辦
理閩廣地方草寮被盜之案俱照強盜入室不入室
問擬茲據咨請部示查該處民人多有搭蓋窩棚住
宿耕種地畝牧放牛隻是窩棚卽其棲止之所內有
衣物錢文卽以窩棚爲藏蔽地方雖屬曠野而窩棚
卽係室廬遇有盜劫自應依照強盜例分別定擬所有

既經入室雖不
搜賊亦應斬決

直督題盜犯賈
二聽從馬喜兒
等行劫該犯入
室後畏懼出門
在外把風仍照
情有可原發遣
道光五年案

該侍郎現在審辦之案應令勘訊明確按例妥擬

嘉慶二十年奉天司案

雲撫題賊犯黃老九糾竊王劉氏家銀物敖文祥
臨時行強一案查辦理盜劫之案總以入室不入室
爲斷例內並無入室而不搜賊卽以情有可原聲請
之文誠以盜犯既經入室非係搜賊卽屬助勢例文
已屬明晰歷久遵辦從無歧誤此案黃老九前據該
撫以該犯隨同敖文祥等入室並未搜賊照情有可
原問擬本部以黃老九入室非由被脅在場卽屬助

勢與僅止在外把風瞭望接遞財物者迥不相同駁
令另行妥擬去後今據該撫覆稱黃老九隨同入室
並不動手既未搜賊亦無助勢情狀援引乾隆二年
浙江省命五攜燈照亮情有可原辦理成案仍照原
擬具題 職 等查閱供招該撫祇據該犯有實在害怕
沒有幫拿東西之供遽謂其尚知畏法不思該犯於
敖文祥等踴門進去之時業已一同跟進卽屬入室
助勢且查事主草屋三間左屋係屬臥室有腳門一
道敖文祥等踴開左屋腳門黃老九隨同入室維時

事主業已走避有何可畏如果害怕即應走避乃寬
同進同出肆無忌憚正與入室助勢不得以情有可
原聲請之例相符該撫曲爲開脫與例不符如謂俞
五攜燈照亮尙得聲請發遣不知俞五成案係在乾
隆二十六年未經定例以前今例內現有持火等項
不待以情有可原聲請之文豈攜燈照亮竟得謂非
持火乎查遠年成案不准援引比照該撫舍現行之
正條率引未經通行之舊案殊屬違例查老九一犯
應改依法所難宥例正法並查取錯擬及違例援引

成案各職名咨送吏部查議

嘉慶七年說帖

嘉慶八年閏二

月初三日題初六日奉

旨部議甚是尋當盜劫案犯定例如入室助勢搜贓等項
均予漸決其止在外瞭望接遞財物並未入室搜贓者
聲明情有可原免死發遣是辦理盜案總以入室不入
室爲斷此案黃老九如果心懷畏懼或在屋外接贓自
可量予寬宥今旣已隨同入室其非畏懼可知乃該撫
以其有實在害怕未拿物件之供輒照情有可原辦理
是於入室之盜犯復有搜贓與否之別旣與成例不符

且恐兇狡匪徒知入室而不搜賊可邀未減必致將劫掠財物授遞他人伊轉得以並未攜賊飾詞倖免殊非明刑戢暴之典嗣後外省辦理盜案仍當按照定例問擬不得以入室未經搜賊遽請援減致有輕縱黃老九著卽處斬餘依議欽此

照通行錄

東撫題李奉來等聽從行劫孫廷明染坊布疋並孫廷明登時格傷拒捕夥盜段華述身死一案此案段華明起意行劫孫廷明染坊糾邀段華述等共三十一人內李朝重商三行二人在事主莊外漫地看

守小車童白蓮等八人在莊東西兩處瞭望梁存建等五人在事主門外把風段華明與段華述段三段霜賈桂李奉來六人砸門進鋪入室段華明段華述將事主孫廷明之父孫大拉出院內用帶捆縛搜劫布疋衣物交段霜段三接拿先逃段華明段華述復劫得布疋賈桂李奉來因架上無布空手走出聞喊一同逃逸時孫廷明先已跳出喊同莊鄰追拿段華述因被孫廷明迫及用木棍轉身拒捕孫廷明奪棍毆傷段華述倒地經莊鄰趕至將段華述拿獲送縣

段華述因傷身死先後拿獲李奉來等五名到案查
李奉來雖未搜得贓物惟既隨同入室自應欽遵
慶八年雲南省盜犯黃老九案內所奉

諭旨以法所難宥論梁存建董白連李朝重三犯訊止在
外把風瞭望均屬情有可原商三行年止十五歲訊
係被逼隨行在莊外看守小車該省將李奉來依律
擬斬立決梁存建等三犯聲請發遣商三行依情有
可原之夥盜年止十五歲以下實係被人誘脅隨行
上盜問擬滿流不准收贖例擬杖一百流三千里事

主孫廷明因盜犯段華述持棍拒捕奪棍回毆適獲
依格殺律勿論查核情罪均屬允協應請照覆

嘉慶十七年說帖

把風之犯在外
助勢情無可原

盛京刑部 題張得元等行劫一案查此案張得元李
老屋靳九張洪祥四人上盜除張得元李老屋入室
搜贓照例斬決外其靳九張洪祥二犯於夥犯行強
之時一在事主房後推倒簷牆一在門前用木棍擲
打門牕以致事主畏懼竊匪夥盜張得元等得以盜
意劫掠該二犯雖未入室搜贓其助勢助惡亦難寬

貨該省聲明該二犯情有可原免死發遣似屬未協
應行議駁謹酌擬稿尾錄呈

稿查律載共謀爲竊

臨時行強以臨時主意及共爲強盜者不分首從論
又強盜已行而但得財者不分首從皆斬又例載盜
劫之案各該督撫嚴行究審將法所難宥及情有可
原者一一分晰於疏內聲明大學士會同三法司詳
議將法所難宥者正法情有可原者發新疆給官兵
爲奴又尋常盜劫未經傷人之夥犯如曾經轉糾黨
羽持火執械塗臉入室助勢搜賊不得以情有可原

直條題榜才沐
中盛康丑子王
干生聽從劉七
行竊錢棚太家
當劉七起意砸
門強劫之時該
犯等在場助勢
均係共爲強盜
惟僅止在院牽
拉牛隻並未入
室搜賊俱應免
死發遣照蒙古
地方行劫之例
改發州縣當差
道光七年案

聲請其止在外瞭望接遞賊物並無兇惡情狀者仍
以情有可原免死發遣各等語詳繹例意盜犯免死
發遣原係寬其一線必例內載明在外瞭望接賊並
無兇惡情狀者方准以情有可原聲請若助勢濟惡
兇暴顯著卽應與法所難宥盜犯一體斬決不得以
其尚未入室搜賊率從寬縱此案張得元糾夥行劫
與李老屋先後入室搜賊並毆傷事主皮屬法所難
宥應如該侍郎等所題法所難宥之張得元李老屋
均合依強盜已行得財律俱擬斬立決至斬九張洪

祥二犯隨同上盜斬九在事主房後因夥盜張得元用鑿空屑被事主李大聽聞喊嚷斬九輒敢隨同張得元等將事主房後簷牆推倒張洪祥亦在事主房前用木棍擲打門牕以致李太夫妻畏兇藏躲夥盜張得元等得以恣意劫掠該二犯雖行劫僅止一次並未下手傷人入室搜賊其隨同助勢嚇禁實有兇惡情狀與例載僅止在外賒望接遞財物得以情有可原聲請者不同未便寬縱自應將該二犯與張得元等一律擬以斬決今該侍郎以該二犯在外助勢

並未入室遽以倚有可原聲請免死發遣與例不符

罪則生死出入臣部未便率覆應令詳核案情按例

妥擬嘉慶二十三年奉天司說帖

從盜在途等候
事後分贓滿數

蘇撫題談玉才等聽糾行劫在途等候與實在上

盜劫贓有間但盜後分贓至滿數者罪應擬軍該犯

等被糾入夥並非畏懼不行事後又分贓二百餘兩

之多應比照情有可原之夥盜例發遣為奴嘉慶十九年案

糾夥行劫因病
不行事後分贓

安撫題周學孟起意糾劫臨事因病未行事後分

得贓物應比照強盜為主造意不行但分贓者所律

造意不同行不
分賊應按本律

擬斬立決 嘉慶二十四年案

廣西撫 題陳老四起意糾劫馬進光家牛隻衣物
該犯並未同行又不分賊一案查強盜門內律註云
造意不行又不分賊者杖一百流三千里又例裁強
盜窩主造意不行又不分賊者發附近充軍各等語
是強盜與窩主律例各有專條自應各按本條引用
此案陳老四因挾馬進光索錢爭鬪之嫌起意糾劫
洵忿該犯因與馬進光認識未經同行亦未分賊該
犯係屬強盜造意不行又不分賊自應依強盜本門

通判爲盜乘空
逃回分賊塞口

內律註擬施該省將該犯比照強盜竊主造意不行
又不分賊例擬發附近充軍係屬錯誤應行更正

道光元年說帖

江蘇司 查例載尋常盜劫夥犯如止在外聯望接
遞財物並未入室搜賊者以情有可原免死發遣又
共謀爲強盜夥犯臨時畏懼不行但事後分得賊物
者杖一百徒三年又強盜案內有強逼爲盜臨時逃
避行劫後照盜分與財物以塞其口者照知強竊盜
後分賊律科斷各等語是共謀爲強盜夥犯隨行上

盜並未入室搜賊者依例免死發遣若先會共謀臨時畏懼不行事後分賊者擬徒如始終並未同謀強逼爲盜臨時逃進行劫後衆盜分與贓物以塞其口者例應照知強竊盜後分賊律科斷情有不同故罪分差等此案錢雙如果同謀行劫在外把風自應依律擬遣若該犯果係同謀僅止不行亦應按律擬徒今詳核供招趙四糾約該犯行劫該犯先不允從經趙四用言嚇逼同行駕船至事主附近地方停泊趙四等上岸行劫留該犯等看船該犯畏懼乘空逃回

後趙四等劫得贓物分給該犯銀錢衣服令該犯不
許聲張查該犯係被脅同行並非甘心聽從迨趙四
等行劫時卽畏懼逃回亦未隨同上盜至趙四分給
贓物係恐該犯張揚所致該省將該犯依強逼爲盜
臨時逃避行劫後衆盜分與贓物以塞其口者照知
強竊盜後分贓計所分贓准竊盜爲從律擬杖六十
與例相符似可照覆

嘉慶十五年說帖

船戶串通盜匪
行劫船內客貨

廣東撫 題船戶周亞易串通盜匪行劫船內客貨
慮被事主看破並未同行上盜其應分贓銀業經

營兵爲盜酌量
案情分別梟示

盜收貯因查拿嚴禁不敢往取與畏懼不行又不分
賊者不同與盜首先已欲劫僅止聽從引路者無異
例應以爲從諭將周亞易比照情有可原盜犯例登
遣爲奴
嘉慶十九年案

廣西布政使 奏請將營兵爲盜不分首從悉擬斬
梟一摺查例載強盜殺人放火姦人妻女打劫年餘
倉庫干係城池衙門並積至百人以上不分首從得
財俱斬決梟示又響馬強盜江洋大盜俱立斬梟示
又捕役及防守墩卡並承緝盜案汛兵爲盜雖非造

意爲首均照造意爲首律擬斬立決各等語是強盜
中惟殺人放火各項大盜定例始擬斬梟至捕役汛
兵俱係緝盜之人雖非造意亦照造意爲首斬決視
民人之造意爲首及在外爲從分別斬決發遣者已
屬從嚴檢查臣部核覆外省兵丁行劫各案間有因
係省會重地或糾劫官寓隨案酌請梟示者蓋以行
劫情形各異原可臨時酌辦是以未經編輯爲例今
該布政使奏稱營兵爲盜例無明文並因該省上年
十二月有梧州協兵丁張洪光糾劫饒糧奏請梟示

一案請將營兵爲盜不分首從悉照江洋大盜例問擬斬梟等語查陳守墩卡及承緝盜案汛兵爲盜例內已有斬決明文則凡屬營兵爲盜皆可援例辦理至梟示之例止有殺人等項及江洋響馬各項巨盜若將營兵不分首從一概梟示設遇兵丁殺人放火及有開倉庫等項轉致罪無可加卽如該省辦理張洪光之案亦因其糾劫錢糧是以卽照行劫倉庫例擬以斬梟並非例外加重惟是行劫情形不一若概擬斬梟固屬無所區別若實在情節重大者首從僅

擬斬決亦不足以示懲應請嗣後營兵爲盜除殺人放火等項定例不分首從本應斬梟者依例辦理外如兵丁行劫無論其夥同民人夥同兵丁係兵丁爲首者斬決梟示爲從者仍擬斬決其有情節重大非尋常行劫可比者該督撫仍酌量案情分別梟示總在勘審情形之輕重以期辦理之合宜則兵丁自知儆畏矣如蒙

俞允卽通行一體遵辦所有該布政使請將營兵爲盜不分首從悉擬斬梟之處應毋庸議等因奏准

嘉慶九年廣西司說帖已錄例
成案錄後

乾隆十一年浙江省民人董枝茂起意糾同民人陳
廷佩陳中樞並營兵沈光耀張爲龍陳輜相袁雲
彪柴耀祖徐德龍楊泳瑞楊光宗任學勝行劫客
民張雲役銀兩一案聲明董枝茂起意爲首袁承
彪輜歷事主俱屬法無可貸民人陳廷佩陳中樞
初次爲盜亦未傷人俱係情有可原沈光耀等九
犯聽從同行初次爲盜亦未傷人俱係營兵似屬
法無可貸聽候部議等因具題經本部核覆董枝

茂袁承彪依強盜得財不分首從律擬斬立決陳
廷佩陳中樞照免死減等例發遣沈光耀等九犯
雖非造意爲首均係營兵俱有捕盜之責輒夥同
多人公行肆劫應擬法無可貸照強盜得財不分
首從律均擬斬立決

乾隆五十一年直隸省天津營兵王帽順夥同逆賊
石四行竊朱文璽甄鋪臨時行強勒死事主之甥
董六身死一案將王帽順照強盜殺人例斬決梟
示

嘉慶八年廣東省民人吳亞錫等糾同營兵黎廣行劫朱履朝銀物一案吳亞錫起意爲首依強盜得財律斬決黎廣係撫標營兵依汛兵爲盜照造意爲首斬決並聲明吳亞錫於省會重地糾夥行劫黎廣身爲營兵聽糾爲盜均屬目無法紀恭請

王命先行斬決梟示民人何亞生等七犯均係入室搜賊法無可貸依例斬決梁亞年等二犯均屬情有可原照例免死發遣

嘉慶七年福建省兵丁高連陞楊海糾同民人蔡潮

等行竊借禹考棚之候補道員牆見藥衣物臨時
行強刃傷家丁一案該督將高連陞照強盜得財
律斬決聲明該犯身充兵丁首先起意強劫官馬
請

旨先行正法傳首梟示民人蔡潮等入室搜賊依例斬決
兵丁楊海民人王塘等均係在外瞻望不知行強
情事仍照爲從例計賊擬流行竊係公館應加一
等發附近充軍經本部以楊海係屬兵丁本有應
捕之責輒敢聽糾入夥在外瞻望改照兇死盜犯

發遣例發黑龍江爲奴仍盡兵丁爲竊本法令該
管官捆打插箭遊營外再行發遣民人王塘等仍
照所擬發附近充軍

嘉慶八年廣東省營兵周臨得等攜帶火藥毆放
火囤搶延燒鋪屋一案該督以放火故燒房屋搶
奪財物者照強盜律斬決未得財者爲首斬候爲
從發近邊充軍今周臨得等充當兵丁檢防更樓
輒敢於省會地方放火囤搶雖未得財究屬目無
法紀將周臨得比照汛兵爲盜例擬斬立決請

守備爲信勘說
投首辭語卑鄙

首先行正法懸首示衆爲從之梁朝勝等三犯均係兵丁
雖未得財亦屬同惡相濟將梁朝勝等於周臨得
斬決罪上量予末減擬斬監候

副督 奏守備許廷進爲信與盜匪吳屬勸諭投首
並添寫吳屬爲兄律無治罪正條將許廷進比照汛
兵與巨盜交結往來奉差緝拿走漏消息照本犯之
罪治罪例於吳屬原犯死罪上量減一等擬流奉

旨許廷進著在閩省枷號三個月滿日責處三十板發往

黑龍江充當苦差等因欽此

嘉慶十八年福建司案

洋盜接賊一次
及二次自首者

浙撫 奏洋盜蔡苑等案內被脅上船接賊二次乘
間逃回擬徒之施大前一犯經 臣部以施大前接賊
已至二次按例卽應斬決惟據稱乘間逃回欲行投
首如該犯逃回本欲投首未及到官卽被拿獲尚屬
畏法自可量減擬遣如逃回並非欲首係被官兵拿
獲不但不能擬徒並不應遽行擬遣行令該撫查明
另行核辦在案今據該撫咨稱訊據施大前堅供實
係被脅接賊二次不甘從盜乘間逃回欲行投首不
及到官被獲委非不欲投首致被獲解並咨稱海洋

廣西新決盜
犯梁亞陳在逃
十年始行聞拿
投首應准其照
例減遣嘉慶二
年所見集案

盜匪被脅上盜並無分別次數治罪專條將該省歷
年辦過被脅上盜接賊二次問擬發遣之駱阿曲等
各案抄錄送部其施大前一犯仍請照原擬發遣係
聞拿投首再減一等擬以滿徒等因_臣等伏查例載
江洋大盜立斬梟示又濱海沿江行劫一經得財擬
斬立決不得以情有可原聲請其止在外瞭望接遞
財物或行劫止此一次並無兇惡情狀者仍以情有
可原發遣又洋盜案內被脅在船雖經上盜僅止接
遞財物並無助勢搜賊情事者改發黑龍江爲奴各

等語是夥盜接賊例止發遣但例稱行劫止此一次者始以情有可原發遣則接賊已及二次者仍應擬斬例義顯然臣部向來辦理盜案俱係遵循無誤惟洋盜案內被脅接賊之犯例內並無分別一二次明文各省遇有此等案件因係被脅勉從不論行劫次數俱照例發黑龍江爲奴臣部亦隨案照覆惟查被脅上盜之犯其是否甘心從盜隱而難窺如接賊僅止一次謂爲上盜時逼於威力尙屬可信若已至二次則其甘心從盜已無可貸原自難與接賊一次之

犯一例擬遣應請嗣後洋盜案內除被脅接賊瞭望
僅止一次者仍照例發黑龍江爲奴外其有接賊瞭
望已至二次者卽照二次以上例斬決梟示不應聲
明被脅字樣如投回自首者尙知畏法仍照被脅接
賊一次例改發索倫達呼爾爲奴如蒙

俞允所有施大前一犯接賊已至二次按例卽應斬決因
該犯投回欲首未及到官卽被拿獲尙屬畏法應卽
照新例發遣

臣

部纂入例冊通行遵照等因奉

旨依議欽此

嘉慶六年通行已纂例

海江盜劫分別
情有可原

北撫題盜犯湯么等行劫客船將過船行劫之湯
么等擬斬立決僅在本船贖望接贓之姚小二等聲
明情有可原免死發遣一案奉

諭例載濱海沿江行劫不得以情有可原聲請下文又

云仍以情有可原免死發遣例文似屬含混現值纂

修律例之際交館核覆等因

職

等遵查例載江洋行

劫大盜俱斬決梟示又尋常盜劫未經傷人之夥犯

如曾經轉糾黨羽持火執械塗臉入室助勢搜賊架

押事主送路到案誣扳良民並行劫已至二次及濱

海沿江行劫客船者一經得財俱擬斬立決不得以情有可原聲請其止在外贖贐接遞財物並未入室搜賊並被人誘脅隨行或行劫止此一次並無兇惡情狀者仍以情有可原免死發遣各等語此條例文係乾隆二十六年奏定詳叅例意以情有可原免死發遣一節係指陸路行劫之夥盜而言是以在外贖贐接遞財物有並未入室搜賊之語若濱海沿江行劫客船似不在聲請之例惟檢查例後例前辦理此等案件不惟濱海沿江行劫者俱分別聲請卽海洋

行劫各案亦援照濱海沿江之例或摘引被人誘脅
隨行或節去入室二字聲明並未搜賊字樣一概以
情有可原定擬相沿已久嗣於乾隆五十九年奏定
洋盜案內雖經上盜僅止在外瞭望接遞財物並無
搜賊情事者發黑龍江爲奴載入例冊是洋盜分別
情有可原已有明文在濱海沿江行劫較之海洋盜
犯稍輕歷來辦理成案既經分別聲請似屬可行今
湖北盜犯湯么行劫客船案內姚小二薛長兒僅止
拉住船邊趙勇係在木船接賊俱未過船搜劫其情

既有可原於法不無可恕該省以情有可原聲請核
與辦過成案相符似可照覆至例文濱海沿江行劫
客船不得以情有可原聲請之處與例案均屬不符
職等現在酌議修改應添敘過船搜賊者不得以情
有可原聲請其並未過船搜賊者仍以情有可原免
死發遣以昭畫一
嘉慶十年說帖已錄例

洋盜在船頭接
賊仍免死發遣

江蘇司 題續獲行劫必有等客船夥盜萬成等一
案查例載江洋行劫大盜立斬梟示又洋盜案內其
雖經上盜僅止在外瞭望接遞財物並無助勢搜賊

情事者發新墾爲奴又被人誘脅隨行或行劫止此
一次仍以情有可原免死發遣各等語此案續獲盜
犯萬成潘鳳聽從已正法之計三成等駕船行竊計
三成見有事主必有爭客船駛至起意行劫萬成應
允潘鳳被脅勉從將客船追及靠攏船旁潘鳳在船
瞭望萬成站立客船頭上接賊計三成等下艙劫得
衣物遞交伙分萬成潘鳳聞拿逃逸旋被差役查拿
萬成拒傷眼目徐炳文左眉叢當被拿獲查萬成一
犯聽從在洋行劫僅在事主船頭接遞財物並未入

船助勢搜賊行劫又止一次本屬情有可原該犯在逃十年就獲與免死發遣在配脫逃及斬絞監候重犯脫逃年久例內載明應行正法者不同其被獲拒傷差役眼目亦只應加拒捕罪二等該犯罪已至遣無可復加目應仍照本條發遣今該省將該犯擬以斬梟是以情有可原之犯而擬法無可貸之罪與例不符該司改照洋盜在外接遞財物並無助勢搜賊例發新疆爲奴係屬照例辦理至情有可原罪應擬遣之潘鳳查核罪名相符似可照辦

嘉慶二十一年說帖

洋盜案內買贖
搖擗寫帳定例

浙撫 奏員弁在洋拿獲盜犯王有升等當經恭摺
奏報在案又據報獲盜犯謙旺等以上水陸文武通
共獲犯一百四十八名均經批飭提省審辦除訊係
正盜之湯卓山陳世進洪彩方葱四名俱於取供後
在監病故並蔣青瞿等十六名先後在途在監病故
及鄭洪林等七十名俱係難民已由該管道府訊明
省釋外其餘五十八犯現據按察使等審擬解勘臣
親提研鞫緣謙旺澤庫三被土盜小海擄劫入夥嘉
慶十五十六十七等年在箸帽礁等洋面謙旺過船

出洋向漁船索費包攬代爲守柁之犯拒傷兵丁案載罪人拒捕條浙省余大澂

行劫五次接賊一次澤庫三過船行劫二次接賊三次丁烏皮王太友羅仲信陳彩能郭阿興各被土盜擄劫上船爲夥丁烏皮在南箬帽礁等洋面過船行劫四次王太友在楊柳坑等洋面過船行劫二次羅仲信在榔機山等洋面過船行劫二次接賊一次陳彩能郭阿興俱在平邊山洋面過船行劫一次陳彩能又在鳳尾洋接賊一次又蔡勝玉黃阿星丁正保林伯正戎宗炳王成滿施亞興廖川畧泳根陳松起毛昌志賴頭四陳世斌王有升張振德順登繆有望

莊阿周蘇喜十九犯先後被土盜拉劫上船各被脅
在本船接賊一次蔡以興李泰實二犯擄上盜船被
脅搖櫓又陳茂林潘文斌二犯先後向盜船買賊二
次又楊瑞張肇邱牙張任邱佐邱受六犯販買私鹽
出洋又張再爲何昌四張阿恩鄭阿瑞白阿經吳阿
準王阿霍林世大徐柏文張阿六黃押小翁阿盛鄭
阿印趙叔彩陶開會陶榮河胡成倉馬文建管小興
楊厥等二十犯先後被土盜拉劫上船逼脅服役又
陸阿美一犯被脅難姦又張阿久一犯聽從漁戶擄

船前赴盜船員賊一次以上各犯再四究詰矢口不
移將謙旺等七犯依例擬斬立決梟示於審明後恭
請

王命鄉赴市曹處斬並在洋行劫拒敵官兵罪應凌遲之
湯阜山及在洋疊劫罪應斬梟之陳世進洪彩方葱
等四犯均於取供後在監病故仍分別戮屍同各犯
等首級分發各海口懸竿示衆蔡勝玉等擬以遣戍
徒杖等因具

奏前來除在洋肆劫罪應斬梟之謙旺等七犯既據該

撫於審明後恭請

王命先行處斬梟示並將罪應凌遲斬梟業經監斃之湯
卓山等四犯分別戮屍梟示均毋庸議外查例載洋
盜案內被脅接賊一次者改發新疆給官兵爲奴又
被脅服役雜差者杖一百徒三年又律載知強竊盜
賊而故買者計所買物坐贓論杖一百又例載知強
竊盜賊而接買坐贓至滿數者俱問罪不分首從初
犯再犯枷號一個月發落若三犯以上不拘贓數多
寡發近邊充軍各等語此案蔡勝玉等十九犯均各

洋盜擬遣成篤
收贖

被脅在本船接賊一次應如該撫所奏俱改發新疆
給官兵爲奴仍照例刺字內蘇喜一犯已成篤疾應
依例收贖該撫奏稱陳茂林潘文斌接買盜賊二次
應照部議成案改發新疆爲奴蔡以興李泰寶二犯
被脅搖櫓應照服役滿徒上加一等杖一百流二千
里等語查接買盜賊與接買竊賊不同此等漁利之
徒代盜消賊以致洋盜恣意肆劫自應從嚴究辦舊
例接買一二次罪止枷杖未免輕縱卽接買三次以
上擬以近邊充軍亦尙不足示懲是以臣部於嘉慶

十年核覆開省代盜消燬五次之朱貫章一案將該
犯改發黑龍江爲奴嗣後各省辦理洋盜案犯俱將
接買盜賊一次者擬徒二次者擬軍三次以上擬遣
而開省成案間有將接買一二次者亦擬遣戍不惟
辦理未能盡一旦接買三次以上者轉致罪無可加
殊未平允至洋盜被脅服役本例罪止滿徒其被盜
逼脅在船搖櫓寫帳者卽與被脅服役無異近年亦
有於本例之外加等擬流究屬平空加重臣等公同
酌議應請嗣後凡洋盜案內接買盜賊三次以上發

新疆給官兵爲奴二次者發近邊充軍一次者杖一百徒三年如此分別辦理較之原例初犯再犯枷號三犯以上擬軍者罪名加重已足以示嚴懲而接買三次以上與接買一二次之犯罪有等差亦所以昭區別其被盜逼脅搖櫓寫帳等項實係被脅服役者仍各照本例擬徒不得平空加等恭俟

命下通行各省遵照並載入例冊所有此案接買盜賊二次之陳茂林潘文斌二犯應卽改照新例發近邊充軍其蔡以興李泰寶二犯被脅搖櫓亦改照被脅服

販賣私鹽出洋
擬流

役本例擬杖一百徒三年該撫奏稱楊瑞起意販私
出洋雖訊無爲匪情事究非安分之徒應於犯無引
私鹽滿徒上加一等杖一百流二千里張再爲等二
十犯應與被脅難姦之陸阿美並聽從販私出洋之
張掌邱牙張任邱佐邱受各杖一百徒三年張阿八
聽從漁戶搖船前赴盜船買賊一次應於接買盜賊
一次滿徒例上減一等杖九十徒二年半失察爲盜
之父兄牌保照例飭拘發落並查明盜產變價充公
起獲礮械船隻交營配用邱佐邱牙邱受林世大張

阿六馬文建是否親老丁單應飭照例查辦將青瞿
等在監在途病故刑禁解役人等訊無陵虐情弊應
毋庸議監斃職名應免開叅傷斃兵丁王景山彭永
全二名另行咨部議卹逸盜飭糾務獲疎防職名另
叅等語應如所奏辦理卹佐等是否親老丁單傷斃
兵丁王景山彭永全應行議卹之處應令速飭查明
分別咨部核辦並令嚴緝逸盜毋使一名漏網以盡
根株並將疎防職名照例查叅其拿獲洋盜各員移
咨吏部辦理等因奏准

嘉慶十八年通行已纂例

洋盜案內受雇
服役情節較重

閩督 奏拿獲浙省洋盜爛肚四等擬罪一案奉

批此案梁如會等四犯據該督奏稱該犯等並非被盜
逼脅乃久在盜船甘心服役於被脅服役滿徒本罪
上量加一等擬流罪名是否允協交館查核奉此

職

等查該督審訊梁如會梁仁高原供內稱道光二年
受雇與盜犯趙啓魁出洋捕魚每月工錢五百文迨
趙啓魁起意行劫棉花客船該犯等扳住客船不使
撐開又據張元高林明順等供稱係於元年八月十
月先後受雇與蔣大其等捕魚蔣大其等行劫該犯

等將船搖攏迫行劫後該犯等各分得洋銀二圓等語查該犯等如於行劫時僅止在船搖櫓自應照被脅服役例擬徒乃梁如會梁仁高於趙啓魁將船駛至事主船旁時該二犯扳住客船不使撐開固與代盜瞭望及接遞財物不同而較之被脅服役者情節爲重至張元高林明順雖供明係受雇在船搖櫓惟日久在船服役行劫後又各分受贓銀亦應加等示懲該督將該四犯於被脅服役例上酌加一等擬流情罪尙屬允協似可照擬

道光二年福建司說帖

洋盜賊劫難民
逃回被獲省釋

被脅服役嘉慶
六年改徒

廣東司 查洋盜案內被脅民人向來辦理如訊係
為盜服役者照例發遣若不肯從盜押禁船底者均
遞籍省釋此案吳仙建等駕船出洋捕魚被盜首種
兵桂擴捉逼脅入夥不從押令服役旋因不甘從盜
乘間逃走即被盤獲該督將該犯等照被脅服役發
遣例酌減擬徒固屬衡情辦理惟查該犯等均係良
民因被盜逼脅服役本非情所甘從是以旋即乘間
逃回是其畏法始終不甘從盜之心已屬顯然若將
該犯等仍擬滿徒轉使被擄逃回難民不但不能免

私運蔬菜接濟
洋盜比例發遣

罪且令觀望不前殊非矜恤難民之意所有木案被
擄逃回之吳尙建曾阿猪蔡阿鐵應卽准其遞回原
籍省釋並令該督嗣後有似此之案遵照辦理并行
知海洋各省督撫一體遵辦

嘉慶四年通行

廣東司 查歐文彩私運蔬菜接濟洋匪該省以蔬
菜與米穀不同將該犯比照奸徒將米穀接濟奸匪
絞決例量減擬流改發黑龍江爲奴核與上年該省
奏稱複星等四犯各自起意偷運瓜菜接濟洋匪擬
發黑龍江爲奴之案引斷相同應請照覆

嘉慶十五年
年說帖

洋盜拒捕殺人
情重加擬凌遲

一聞審 奏拿獲洋盜陳小探等八十五名一案查例
載江洋行劫大盜立斬梟示又乾隆六十年七月欽
奉

上諭盜犯林誥廣敢拒捕核其情罪卽當問擬凌遲嗣後
遇有此等案件一體嚴懲等因欽此此案陳小探過船
行劫四次因鄉勇跳上盜船擒捕該犯用刀拒傷身
死沈景陳成各在洋行劫多次死事主二人又何
星等十九犯俱供認過船行劫一二三次屬實既據
該督於審明後將陳小探沈景陳成擬以凌遲何星

等擬以斬梟均先行正法應毋庸議鄭回等三十犯
訊止各在木船接賊一次應俱發遣為奴林定一犯
訊無入夥為匪情事其貪圖厚利賣給盜船淡水食
物兇與米穀有間照米穀濟匪例減一等杖一百流
三千里陳則等二十五犯訊止被脅服役並無上盜
援贓情事均照例杖一百徒三年紀訪等七名訊係
被擄難民應行省釋逃盜蔡率飭緝獲日另結

嘉慶七年奏准案○照所見集錄○淡水食飭濟
匪應與上件屬東司歐文彩案案核

臺灣時行刑
之案嚴懲彰

道光十三年八月二十日奉

上諭程祖洛奏查明嘉義官紳並無變服避難各情暨傳
祭臺澎盜案情形一摺竊奏均悉臺灣辦理盜案向多
姑息養奸據該督查明致弊之源不在入室把風之殊
罪而在預謀糾劫與臨時行強之異例其有踰牆入內
開門放進羣盜者地方官輒因其無撞門情形遂定爲
臨時行強迨至獲盜凡在外把風者無不避重就輕供
爲不知強情雖入室之犯罪無出入而在外各盜則輕
重懸殊廢法縱奸此風斷不可長該督請將臺灣臨時
行強之案除實係起意料竊在外把風之犯距內室甚

遠無由知其強情者准照竊盜辦理其在外把風距事
主內至甚近聲息相通卽與在外接賊之犯悉照強盜
例分別入室把風接賊辦理不准仍以不知強情依竊
盜本律計賊科罪卽強劫各案亦不准率定數人爲入
室搜賊其餘概科情有可原之罪所議甚是嗣後該鎮
道務當督飭承審官悉心研究確供互證定讞固不可
任意從嚴尤不可存救生之見概事姑容後難貽患儻
原審官有意開脫該鎮道官審明更正將原審官照故
出例叅處以期執法持平兇頑知所警畏刑部知道欽

投首洋盜巡緝
滋事脫逃被獲

此即抄

福撫 咨首民陳贊隨同出洋巡緝索詐商船米石
事發脫逃被獲一案查嘉慶三年福建省洋盜吳地
等投首案內經本部議定條款洋盜抄首發往各省
安插入伍人犯如已入伍當差復又脫逃被獲者仍
照間拿投首本例發黑龍江爲奴等因通行在案被
時酌議此項人犯發遣爲奴係仿照洋盜案內被脅
接贖瞭望二次投回自首之例辦理而洋盜案內被
脅接贖瞭望二次投回自首之犯舊例本係發黑龍

江爲奴迨嘉慶十九年將此條改發新疆爲奴且應發黑龍江爲奴人犯亦於二十五年八月內遵

旨酌議除旗人仍發往當差外民人概行停止分別改發新疆及烟瘴充軍現在例內並無民人發黑龍江爲奴之條今陳贊係洋盜投首撥營充伍隨同出洋索詐商船米石事發脫逃被獲該省將該犯發往黑龍江爲奴固係援照嘉慶三年通行辦理惟黑龍江業經停發應將陳贊照洋盜案內被脅接贖二次投回自首例改發新疆給官兵爲奴至此項人犯係比例

發遣如在配脫逃應照成案免其正法

道光四年諭

安撫 咨投首入伍盜犯陳大水與王姓爭鬧一案
查洋盜案內投首之犯向無發往各省入伍之例嘉
慶三年福建省洋盜吳地等投首案內欽奉

諭旨將吳地等發往不近海洋省分入伍安插嗣因該犯
等於入伍後或在配脫逃或不遵約束經江西省咨
請永遠監禁本部以洋盜案內投首脫逃之犯與不
遵約束者情節不同若一例永遠監禁未免漫無區
別議將脫逃被獲者發黑龍江爲奴不遵約束者永

遠監禁在案又四年安徽省安捕入伍盜犯陳蔡思
卿念切私自出汛覓託寄信後因日久畏罪不敢回
汛在途投首該省照不違約束永遠監禁咨部奉

堂諭交館分別情節酌議條款交司存記經

職

等以此

等人犯應分別論其已未入伍並脫逃被獲畏罪自
首及在配不服管束所犯罪應杖徒者分別治罪三
條呈

堂閱定交司照辦除陳蔡一犯照不應重律杖八十咨
行亦在案今安插盜犯陳大水因往街買麵與王姓

偶然爭鬪查王姓非該管陳大水之人陳大水與伊
口角爭鬪罪止擬笞並非不遵約束該省照不遵約
束例永遠監禁原屬錯誤該司改照不應重律杖八
十核與議定條款相符似可照辦

嘉慶六年福建司
說帖

議定各條列後

一洋盜投首發往各省安插入伍人犯如已入伍當
差在配脫逃畏罪投首者照在伍兵丁脫逃投首
律杖一百枷號一個月仍行安插該犯係奉

特旨安插入伍當差應仍准其入伍如被獲者照吳地等

之例發黑龍江爲奴僮再脫逃該犯係因逃發遣
與軍流人犯在配脫逃遞加調發黑龍江者無異
應卽照遣犯脫逃例杖一百枷號一個月仍發原
配爲奴

一洋盜投首發往各省安插入伍人犯脫逃如在未
曾入伍以前衣食無資易致逃逸若一經拿獲卽
行發遣未免無所區別應卽照遞籍復逃例杖八
十准其入伍投首者免罪

一洋盜投首發往各省安插入犯無論已未入伍如

洋盜投首免其
從前竊劫各案

在配不服管束所犯在徒罪以上者照番例進等
之例永遠監禁其僅止一時一事所犯杖罪以下
者令該管官照例懲責

廣東撫 咨首民陳阿幼先經聽從陳阿琶等行劫
翁智惡家銀物後投下盜船隨同投首一案該省以
該犯既於洋盜案內投誠向化聲請將隨同陳阿琶
行劫入室搜賊一案遵

旨一併肆赦該司援引嘉慶十六年四月本部議覆福建
省蘇茂先成案駁令改照強盜行劫數家止首一家

例擬軍職等檢閱原咨嘉慶十六年六月二十二日

廷寄粵東督撫奉

上諭粵省節次首民經朕法外施仁貸其一死本屬一時權宜之道從前伊等在洋所犯重罪業經赦除其尋常竊劫及罪不至死之案自應一併肆赦並曉諭地方民人伊等亦當相與解釋勿論至其出洋之前或曾有逞兇斃命之案此時原籍若無苦主控告自可不必深究若被害之家苦主現在伊等父母之讎豈能強其隱忍況殺人者死律有明文備殺人之後旋即下洋爲匪二

經自首即可免死則匪徒視下洋爲得計而人命竟可不償豈不因此廢法似此控告之案仍當按律辦理等因欽此恭釋

諭旨若以此等匪徒其未經下洋之先殺人行劫勢所不免在殺人之案固不能禁苦主之不思報復而尋常行劫無關人命之案若一經發覺仍照例究辦誠恐該匪等聞知驚疑復爲挺而走險之計故一併肆赦並曉諭地方民人相與解釋洵爲

仁至義盡

諭旨內指明尋常竊劫之案並未令將投誠時曾否首明之處再爲區分則各犯從前行劫未殺人案件卽屬尋常劫案自應遵

旨一併肆赦今該司以必須投誠時將歷次所犯各罪一首首明者始予寬宥若先未首明後經被獲仍應治以應得之罪不惟與

諭旨不符亦非仰體

聖主法外施仁之惠至福建省蘇茂先一案在未奉

諭旨以前且

諭旨內專指粵省亦難援閩省之案駁令另議所有陳阿

幼一犯應請卽照該省原議免罪

嘉慶十七年說帖
○蘇茂先案錄後

福建司查例載強盜行劫數家止首一家者發極邊
足四千里充軍等語此案蘇茂先在陸路聽從謝
聯行劫事主黃文東線店銀錢衣物該犯入室搜
賊嗣又逃入洋盜吳淡船上旋即投誠奏明免罪
該犯並未將前次行劫黃文東之案首出後被事
主指認呈明究辦查洋盜行劫數家止首一家例
有治罪專條今該省將該犯照自首不實不盡死

隨征釋免盜犯
復犯情有可原

罪減一等律擬流殊未允協應請將該犯改發極

邊足四千里充軍

嘉慶十六年說帖

南撫題盜犯楊老七起意糾劫蔣有頌家銀錢衣

物一案該撫疏稱李七星先於道光二年聽從行劫

免死發遣因隨征逆回案內奉

旨免罪釋回今又聽從行劫在外接贓查盜犯情有可原

恭逢

大赦免罪釋回歷屆章程如有再犯應照所犯之罪加一

等治罪既云加等自應遵加不至死之例設於釋回

後再犯情有可原業已無可復加仍應免死發遣至
此次隨征

恩旨似與

大赦有間原奏內聲明釋回後如再不安分守法應從重
治罪既云從重又與加等不同加等不應入於死從
重則不宜轉輕且既因其稍有微勞得免其遣戍之
罪未便一宥再宥仍科以免死之條以臣愚見應卽
照法所難宥例正法庶與

大赦人犯有所區別特各省似此釋回盜犯尙多辦理初

於畫一相應一併聲明聽候部議等語查名例律載
稱加者不得加至於死等語又本年二月初九日奉
旨長齡奏查明効力民勇民遣現經裁撤請援照成案賞
給銀兩並將民遣免罪釋回等語此次伊犁挑派赴喀
什噶爾軍營民勇及民遣二千名隨同進援搜捕出力
著准照道光六年成案悉予免罪釋回儻有怙惡不悛
之犯卽嚴行懲處加等治罪等因欽此在案此案李七
星先因聽從何才仵行竊臨時行強該犯在外把風
依情有可原例免死發遣新疆爲奴嗣因道回滋事

隨征案內奉

旨免罪釋回今該犯復聽從楊老七行劫在外接賊一次
應依情有可原例免死發遣該撫以該犯釋回原籍
內聲明如再不安分守法應從重治罪既云從重則
不宜轉輕未便仍科以免死之條應卽照法所難行
例正法等因 臣等查新疆隨征出力釋回遺犯現在
欽奉

諭旨儻怙惡不悛卽加等治罪是從前原奏聲稱從重治
罪之語亦係加等治罪之意而加等治罪律言加不

入於死自應仍照本律方等問擬李七星合依強盜
已行得財律擬斬立決該犯聽糾行劫在外接贓係
屬情有可原應照例免死發遣新疆爲奴該犯釋回
復犯應行加等惟罪至外遣無可復加應在遣配酌
加枷號三個月以示懲儆

道光十一年說帖

投首洋盜滋事
監禁親老留養

浙撫 咨洋盜案內投首入伍因不遵約束永遠監
禁之戴文松母老丁單應否准其留養咨請部示一
案 等查洋盜投首入伍後不遵約束擬以永遠監
禁之犯應否留養例無明文卽洋盜投首仍准入伍

食糧及不遵約束永遠監禁刑例內亦未載及檢查
嘉慶三年福建省洋盜吳地等投首案內欽奉

諭旨將吳地等發往不近海洋省分入伍安插嗣該犯等
於入伍後或在配脫逃或不遵約束經江西省咨請
永遠監禁本部以投首脫逃與不遵約束情節不同
若一例永遠監禁未免漫無區別議將脫逃被獲者
發遣爲奴不遵約束者永遠監禁又四年安徽省安
插入伍盜犯陳蔡私自出汛畏罪投首照不遵約束
永遠監禁咨部奉

堂諭交館分別情節酌議條款交司存記經聯便議將
在配脫逃畏罪投首者杖一百枷號一個月仍准入
伍被獲者發遣爲奴如脫逃在未會入伍以前照遞
籍復逃例杖八十准其入伍如在配不服管束所犯
在徒罪以上者永遠監禁其僅止一時一事所犯在
杖罪以下者令該管官照例責懲分爲三條主

堂閱定交司照辦其陳蔡一犯改擬杖責在案彼時所
擬章程祇係交司存記並未通行各省是不遵約束
之犯應否永遠監禁當視其後犯之輕重爲斷此案

戴文松前在洋匪翁阿宋盜船爲夥因官兵勦捕嚴
緊於嘉慶八年隨同翁阿米投首發金華協入伍安
插至十年八月間該省以戴文松懶惰性成不習技
藝嗜酒遊蕩屢訓不悛訊無行兇爲匪不法情事擬
將該犯永遠監禁咨部本部照擬咨覆今據該撫以
犯母石氏年逾七十家無次丁應否准其留養例無
明文咨請部示職等查洋盜投首於入伍後如果怙
惡不悛不遵約束而所犯在徒罪以上擬以永遠監
禁者則藐頑性成雖親老丁單自應不准留養茲查

戴文松前擬永遠監禁之案原咨內僅稱不習技藝嗜酒遊蕩據訊並無行兇爲匪不法情事核其情節祇係尋常過犯止應杖責不在徒罪以上若按照擬定章程似不應將該犯永遠監禁彼時未照所議章程誤行照覆此時事越多年不便更正惟此等罪犯既無年限查辦之例又無遇

赦得以釋宥之文若竟老死囹圄未免向隅且犯親又年逾七旬當此桑榆暮景隻影蕭然思子之情尤堪矜惻推廣

皇仁自可將該犯戴文松准予留養以昭矜恤謹擬稿尾
錄呈
稿尾查洋盜投首入伍後因不遵約束永遠監
禁之犯親老丁單應否留養例無明文溯查洋盜投
首仍准入伍食糧因原其畏法之心故予以自新之
路本係

聖朝法外之仁至入伍後不遵約束防其故智復萌不得
不擬以永遠監禁其間情節亦有輕重不同如入伍
後不遵約束又復生事行兇此等罪犯既已貸其一
死猶然怙惡不悛雖親老丁單應不准其留養若僅

止嗜酒怠惰並無行兇爲匪尙無怙惡實跡者在該
犯不思安分擬以永遠監禁固爲罪所應得然究與
始終怙惡者有間衡情尙可准予留養此案戴文松
在洋匪翁阿宋盜船爲夥因官兵勦捕嚴緊隨同翁
阿宋投首入伍安插嗣據該省以該犯懶惰性成不
習技藝嗜酒遊蕩屢訓不悛咨請將該犯永遠監禁
茲據該撫以該犯有母石氏年逾七十家無次丁應
否准其留養咨請部示本部檢查原咨內僅稱該犯
不習技藝嗜酒遊蕩且據訊明並無行兇爲匪不該

情事核其情節祇係尋常過犯尙非怙惡不悛該犯
監禁已歷十有四年犯親又年逾七旬形單影隻思
子維殷情實可憫既據該撫查明屬實取有各結送
部應將該犯戴文松提禁照軍流人犯留養之例枷
責發落准其存留養親仍飭該地方官隨時稽察毋
致復出滋生事端

嘉慶二十五年說帖

洋盜聽從行劫
四次聞拿投首

浙撫 奏潘烏皮在洋聽從疊劫聞拿投首一案查
洋盜投首例內止有被脅接賊瞭望二次應擬斬梟
之犯如投回自首改發新疆爲奴之條而在洋行劫

例應問擬斬梟之夥盜聞拿投首例無作何定擬明
又檢查嘉慶二十年福建省奏莊發光聽從在洋行
劫過船搜賊一次聞拿投首比照洋盜案內接賊順
望已至二次投回自首例發遣在案此案潘烏皮聽
從在洋行劫過船搜賊二次接賊二次嗣該犯聞拿
畏罪自行赴縣投首查該犯潘烏皮聽從在洋行劫
四次雖較行劫過船搜賊僅止一次及被脅接賊順
望二次者爲重惟聽從行劫過船搜賊一次與被脅
接賊順望二次及聽從行劫二次以上同一罪應斬

梟並無行劫數多加等治罪之條是罪名既無差等
其聞拿投首卽無二致該犯將烏皮既經聞拿投首
尙知畏法自應一律貸其馱首該省將該犯比照洋
盜案內接贖贖盜已至二次投回白首例發新疆爲
奴尙屬允協應請照覆奉

批罪至外遣無可再加祇可照覆

道光四年說帖

夥盜入室嚇禁
事主聞拿投首

奉尹 題謝五等行劫一案查案內之吳三聽從行
劫入室嚇禁事主罪應斬決與傷人夥盜應擬斬決
者相同今聞拿投首該省以該犯行劫僅止一次聲

盜犯俱未
傷人聞拿投首

明照情有可原例辦理無所依據該司議令改照會

經傷人夥盜聞拿投首例實發雲貴兩廣極邊烟瘴

充軍洵屬允協應請照辦

嘉慶二十年說帖

安撫 咨蘇三等強劫張海齡銀錢畏罪自首一案

查犯罪未發自首免罪之律係指所犯之事未經呈

報到官者而言若事主業已報官差緝卽屬事發如

有自首白應照聞拿投首例減等科斷此案蘇三與

張元孜劉三聽從李百琳糾搶賭場嘉慶十一年十

二月二十六日同至事主張海齡錢店李百琳因與

張姓認識在廟等候蘇三等擁門進內查無賭場蘇
三起意強劫劉三在外接賊張元孜隨同入室劫出
銀錢而逸事主於次日報縣會營訪勘差緝十二年
正月十七日該犯等畏罪俱自行投首查該犯等事
閱二旬始行投首且已在事主報官差緝之後與事
未發而自首者不同該撫以事主並未指名報官亦
未指名飭拿將該犯等照事未發而自首律分別擬
軍免罪係屬錯謬應卽照問拿投首例更正蘇三起
意強劫應改依未傷人首盜問拿投首例擬遣張元

行劫妻兄盜首
傷人其妻代首

攻雖未傷人惟隨同入室罪應斬決與傷人夥盜無異應改照夥盜曾經傷人聞拿投首例擬遣俱照例刺字劉三僅止在外接贓應改依未傷人夥盜行劫僅止一次聞拿投首於情有可原發遣本罪上減一等例杖一百徒三年李百琳糾搶賭場不知強劫情事應改依搶奪人財物杖一百徒三年係聞拿投首減一等杖九十徒二年半

嘉慶十三年說帖

雲撫題張廣才糾劫妻兄李必盛家財物經伊妻代首被獲是否照親屬相盜律辦理聽候部議一案

職

等查親屬相盜無論本宗外姻及尊長卑幼均按
服制以次遞減若行強盜者尊長犯卑幼亦依上減
罪卑幼犯尊長仍依凡論又定例外姻尊長親屬相
盜惟律圖內載明者方准照律減等此外不得濫引
至妻之兄弟係無服親屬雖律圖內載明惟似此平
等之親並無尊卑之分不惟與本宗無服弟兄不同
亦與外姻親表弟兄有別既不得以妻弟爲卑幼卽
不應以妻兄爲尊長如行劫妻弟兄家財物自應悉
依凡論今事主李必盛係盜犯張廣才妻兄張廣才

糾劫李必盛家捆縛事主搜得贓物該犯與事主既
無尊卑名分自應與凡盜同科經該犯之妻李氏告
知事主將該犯獲案例應同自首法按凡人盜首傷
人自首例應擬斬候若如該省所議於斬罪上減等
發遣仍依自首例再減一等是以盜劫之案而引無
服親屬行竊之律未爲允協應行改正

稿查定例

本宗外姻親屬相盜無論尊長卑幼無服之親得減
一等若行強盜者尊長犯卑幼始准依上減等卑幼
犯尊長仍依凡論主妻之兄弟雖律圖內載明係無

服親屬惟係平等之親並無尊卑之分與本宗無服
弟兄應分別尊長卑幼科罪者不同如與妻兄有犯
係行竊者應卽依律減罪若行強盜固不得謂之卑
幼犯尊長亦未便竟照無服親屬互相行竊之例遽
予減等自應仍依凡論此案張廣才糾劫妻兄李必
盛家入室捆縛事主劫得財物經伊妻告知事主首
報將該犯獲案按例應同自首法該犯與事主既無
尊卑名分應卽以凡盜論照傷人首盜自首例科斷
張廣才合依傷人首盜傷輕平復無論事未發而自

首及聞拿投首俱擬斬候例擬斬監候

嘉慶二十二年說帖

強盜殺人
之夥盜不准首

貫州司 查例載強盜殺人不分首否得財俱照得財律斬隨卽奏請審決梟示又強盜殺死人命百夥各犯不准自首等語此案李小八聽從臨時行強與涂花苟共毆事主之妻王楊氏殞命雖王楊氏係由涂花苟下手傷重致死惟李小八業經習毆成傷卽係強盜殺人案內夥犯按例應依強盜殺人例問擬斬梟不在准其自首之列乃該撫因其聞拿投首輒將該犯依夥盜曾經傷人聞拿投首例擬軍是以殺人夥盜牽引傷人夥盜之例實屬錯謬罪關生死出

法無可貸夥盜
投首供出首盜

入臣部未便率覆應令該撫另行按例妥擬具題

道光十三年說帖

安徽司 查例載例應免死減等之夥盜供出首盜
逃匿確實地方卽行拿獲者改擬杖一百流三千里
等語例內所稱免死減等夥盜係專指原犯情有可
原者而言至夥盜行劫二次法無可貸之犯聞拿投
首及被獲後能供獲首盜按例俱得免死發遣其有
投首而又供出首盜者既知畏罪赴官又因而拿獲
首盜揆之名例犯罪得累減之義自應援例遞減定

擬今安徽省煙續獲夥盜尙二等案內王七一犯係
行劫二次夥盜聞拿搗賊投首又供出首盜潘三格
料住址卽經拿獲該撫聲稱該犯到案投首已屬例
應免死之人將王七依例應免死減等之夥盜供出
首盜拿獲例擬流情罪尙屬允協應請照覆

乾隆五十七年說帖

強盜白首開拿
投首申明例意

湖廣司 查強盜自首例有專條誠以強盜情兇罪
重卽有自首之犯亦不得與常人白首同科是強盜
自首罪名重輕總以事未發而自首乃聞拿投首二

東省斬決盜犯
丁直安將另案
斬決盜犯張公
培拿獲解官比
照傷人盜犯自
首擬軍例酌減
一等擬徒乾隆
三十八年通行
已纂例

項分別定擬不言知人欲告而自首者蓋既已知覺
卽不得謂事尙未發雖首在事主報官以前亦應以
聞拿投首論若事主雖已報官該犯尙未知覺而悔
過自首者雖首在報官以後亦仍以事未發而自首
論臣部核覆外省案件俱係如此辦理至該道所奏
如事主已經報官差緝該犯聞拿嚴緊畏罪投首外
省每有以事主原未指名具報卽援事未發而自首
之例定擬者查事主被盜豈能預知盜犯姓名一一
指告若以事主之是否指名具報爲斷固於情理不

夥盜供出首盜
立限緝拿

順卽如該道所請以事主已未報緝爲斷亦與例義
未符惟該道既有此奏恐外省問刑衙門或有誤會
應再申明例意嗣後分別盜犯自首與聞拿投首之
處無論事主曾否報官總以盜犯之已未知覺事主
欲告爲斷庶免辦理參差

嘉慶六年議覆岳常澄道
條奏通行

浙撫 疏稱此案夥盜黃加三供出首盜老十九逃
匿所在應照例俟一年限滿有無拿獲再行辦理惟
例稱限一年之內緝獲是否卽以該犯到案供出之
日起扣滿一年抑俟奉到部文之日起限例無明文

相應附疏聲明聽候部議等語查夥盜供出首盜例內明言一年限內不獲將各盜照律題結自應在犯供之後題結之先定立期限一俟限滿不獲卽行具題不得俟之部題覆後再行起限例文已屬明晰自應遵照辦理不有黃加三一犯應令該撫查明該犯供出盜首者十九年日扣滿一年有無弋獲照例辦理
道光十一年說帖

四川司 查該督疏稱唐八兒犯事時年止十四卽以隨行上盜亦由被王起臣等誘習所致第查情有

年幼強盜兩次
被脅一次接賊

可原年止十五歲以下實係被人誘脅隨行上盜問擬滿流之例似係指年未及歲偶被誘脅上盜者而言今該犯被脅隨行已至三次且均一同上盜若仍照年未成丁情有可原之夥盜一律問擬滿流未免情重法輕然竟擬以法無可貸則該犯究係年幼被脅論情不無可憫可否仍照尋常情有可原盜犯量予末減免死發遣之處於疏內聲明聽候部議等語查例載情有可原之夥盜如果年止十五歲以下審明實係被人誘脅隨行上盜者無論分賊與不分賊

俱問擬滿流不准收贖又行劫已至二次者擬斬立決不得以情有可原聲請各等語是例內年未及歲盜犯問擬滿流係指偶然被脅情有可原者而言若行劫已至二次以上卽屬法無可貸例不得以情有可原聲請此案唐八兒聽從王起臣等行劫三次該督以該犯犯事時年止十四其隨行上盜係由被王起臣等誘脅所致情尙可憫擬以發遣聲明聽候部議臣等查唐八兒初次聽從唐潮煥等行竊同至事主門首王起臣起意行強該犯害怕欲走被遏不能

脫身無奈隨同上盜尙可謂之年幼無知被人誘脅
所致至二次王起臣往遊行竊如該犯果知畏法卽
應拒絕乃復允從同行追臨時行強始稱不肯因畏
其扳害應允上盜是二次之被脅已屬牽強而三次
又稱被脅更非情理該督並不研究確情卒聽該犯
狡卸之供遽爲聲請量減不惟情罪未符且於似此
督不畏法之犯曲情寬縱實不足以示儆戒應令該
督嚴審妥擬 旋據覆稱唐八兒一犯年止十四其
隨行上盜三次究係年幼被脅可否仍照情有可原

盜犯免死發遣之處聽候部議等因本部恐所供被
脅情節未確駁令覆審茲據審訊確實唐八兒前後
三次上盜二次被脅一係聽從上盜均止在外接贓
並未入屋該犯犯案時年未及歲情尚可原應將唐
八兒照免死發遣盜犯例發吉林爲奴不准收贖等
因題結 嘉慶十一年說帖

洋盜強盜年幼
展流應行刺字

雲撫 題李小老等行劫刁棚選家一案奉

批情有可原年僅十五之被脅賊盜楊小三是否應行

刺字交館查明等因 職 等查情有可原年僅十五之

被脅夥盜從前係照免死減等例擬流仍准收贖迨
乾隆四年纂爲定例改爲不准收贖其應否刺字例
無明文惟查全纂內載強盜情輕擬流之犯毋庸先
行刺字定案發配仍於左面刺強盜二字似係統指
強盜案內擬流人犯而言復檢查乾隆五十三年廣
東省題洋盜胡亞凝案內之陳亞邊年僅十四被脅
在船隨行上盜照例擬流不准收贖原題內聲明照
例刺字等因遵行在案此案楊小三一犯似應照從
前成案聲明刺強盜二字再查例載免死發遣盜犯

減遣強盜聲明
免死減等字樣

定案時應聲明免死減等字樣今案內馬老四趙小
四二犯俱係情有可原發遣新疆似應於後尾出罪
處照例添敘免死減等四字以便將來脫逃時有所
稽考
嘉慶二十一年說帖

黑龍江將軍 咨稱查收到遣犯江蘇省李添助湖
北省尹瑤光二名原案內均係比照夥盜情有可原
例發遣並無免死減等字樣若此等遣犯脫逃被獲
應否照免死遣犯脫逃抑照尋常遣犯脫逃例辦理
之處咨請部示本部檢查原案李添助籍隸江蘇因

洋盜逼令入夥
脫逃毋庸正法

已正法之盜首張允受約赴海門販茹行抵大南沙
洋面張允受起意行劫事主宋勇泰號船該犯畏懼
不敢入夥被其嚇唬逼令在本船接賊事後並未公
得贓物審將李添助比照情有可原例發遣爲奴於
乾隆五十三年三月題結詳核情節該犯李添助實
係被逼入夥亦未分贓與甘心從盜者有間如遇脫
逃被獲審無行兇爲匪應卽照尋常遣犯脫逃例仍
遞回原遣處枷責尹瑞光籍隸湖北因素知族弟尹
襄成家殷實起意行劫邀同已正法之劉安喜及發

比照免死盜犯
脫逃毋庸正法

遣之王么兒並逸盜張八等齊抵事主尹襄成門首
張八撬門進內尹瑤光因係事主同族恐被認識與
王么兒等在院接賊劉安喜等入室劫得贓物遞交
尹瑤光等攜回俵分該犯尹瑤光係事主尹襄成無
服尊長例應減流因另案連竊七次比照夥盜情有
可原例發遣爲奴於嘉慶七年五月題結核其情節
該犯尹瑤光係親屬相盜例應減流連竊七次亦罪
止擬遣是以比例發遣爲奴非免死減等發遣盜犯
可比如遇脫逃被獲審無行兇爲匪亦應照平常遣

聽從行動並未
隨同盜又聽
從行竊首犯臨
時行強僅止聽
聞在外接賊定
案時雖照免死
盜犯發遣而脫
逃被獲仍免正
法案賊徒旅人
逃條

犯脫逃例遞回原遣處枷責至該將軍咨嗣後如
有發遣黑龍江爲奴盜犯案內情有可原一項人犯
脫逃應行正法者務於原案內聲明免死減等字樣
等語查情有可原盜犯在配脫逃如原犯斬決減爲
發遣者係由重而減輕例應正法如原犯軍流改爲
發遣者係由輕而加重不在正法之列今該將軍咨
請將發遣盜犯脫逃例應正法者均聲明免死減等
字樣係屬慎重刑章起見應如所咨嗣後辦理盜案
凡由斬決減遣之情有可原盜犯於定案時均聲明

免死減等字樣以免歧異

嘉慶八年江蘇司道行已纂例

計開

發遣盜犯在配脫逃正法條款

一情有可原盜犯免死發遣者

一未傷人盜首聞拿投首免死發遣者

一窩家盜線聞拿投首免死發遣者

一夥盜行劫二次以上聞拿投首免死發遣者

一夥盜有供出盜首逃匿所在一年限內拿獲免

死發遣者

斬梟盜犯病故
恐結毋庸具題

以上五條在配脫逃砂獲均應正法

山東司 查上年十二月內廣東省拿獲盜犯梁亞
引等行劫客民吳裔和貨物並殺傷事主該犯於取
供後在監病故仍斬屍梟示容部經本部據咨核覆
在案此案曹日琦聽從高九行劫于乃禮棉花錢文
並殺死事主該犯於取供後在監病故該撫擬以斬
梟業冊咨部查度東省盜犯梁亞引既據該省咨結
似亦毋庸專本具題奉

批存查 嘉慶二年說帖。已纂例載有司決囚等第條

盜犯待質不必
展引監候處決

直隸司 查例載問刑衙門鞫審強盜必須賊證明
確者照例卽決如賊跡未明招扳續緝涉於疑似者
不妨再審或有續獲強盜無自認口供賊跡未明夥
盜已決無證者俱引監候處決等語此條係乾隆初
年刪改舊例和核例意續獲強盜既無自認口供賊
跡亦未明晰夥盜又已處決無從待質若卽行擬結
誠恐冤濫故引監候處決以明罪疑惟輕之義如案
內尙有首夥各犯未獲自應照監候待質之例監禁
俟逸犯就獲後質明照例辦理今直隸省題安二等

行劫一案內馮正目吳洛德二犯未案係情有可原
罪應發遣該犯等尚有呂年等行竊臨時行強人案
若係知情行強卽屬行劫二次應以法所難宥科斷
今據供僅止在外看人不知行強情事該省以呂年
等在逃未獲並無確證恐捏詞避就將該二犯擬請
監禁俟逸犯就獲質訊明確再行核辦係屬照例辦
理惟既係監候待質而又引監候處決之例似未允
協應行更正 嘉慶十六年說帖

廣東撫 咨林亞晚曾阿爾等圖劫未成二案查律

圖劫未成已置
器械已糾夥黨

刑案匯覽

卷十四

刑律賊盜

七

強盜

載強盜已行而不得財者皆杖一百流三千里又例
載強盜未得財又未傷人首犯發新疆給官兵爲奴
爲從杖一百流三千里又律載未成盜而有顯跡證
見者依已行而未得財科斷各等語是辦理強盜已
行未得財之案以有無顯跡證見爲斷如旣置有盜
械卽屬顯跡糾有夥黨卽屬證見自應以已行論今
廣東省咨在逃之林老商允該犯曾阿爾等駕船行
劫船內放有鳥鎗火藥刀械以備拒敵林老因人少
恐難行事與林阿七轉回再行糾人同往行劫合會

阿爾等在船等候旋被兵役拿獲一案又該省秦炳
故之林亞晚起意糾允勞洗太等十六人駕艇行劫
三更時見有客船一隻停泊河邊點燃油捻正欲將
艇駛攏適被兵役拿獲一案以上二案均係置有盜
械糾有夥黨正與行顯跡證見之律相符該省將曾
阿爾勞洗太等均依強盜未得財又未傷人爲從例
各杖二百流三千里檢查歷年辦過成案不特該省
向係如此辦理卽道光元年福建省拿獲洋盜案內
王進等五犯聽從駕船行劫卽被拿獲該省亦係將

王進等依強盜未得財又未傷人爲從例擬流惟據
廣東司查出廣西司辦理似此案件首從各犯則係
量減擬徒核與廣東福建兩省所辦係屬兩歧伏思
強盜洋盜爲閭閻商賈之害立法不宜從寬所有會
阿爾等二案應請照覆毋庸改擬其廣西省辦理兩
歧之處卽由廣東司於會阿爾案內咨行該省轉行
廣西巡撫嗣後遇有此等案件應卽畫一辦理不得
仍照舊案量減開擬

道光五年說帖

行劫未成拒傷

福建司 照謝山等行劫未成拒傷線役一案 職等

盜賊當贖之賊
分別查起著追

查強盜殺人無論是否得財斬決梟示傷人者未得財斬候已得財斬決例內殺人傷人四字係統包事主兵役在內以強盜殺傷人之罪已至顯首較他案拒捕殺傷人之罪俱重故不復再予區別此案謝山起意糾劫未成用扁挑拒傷線役二人該省審依強盜傷人而未得財首犯擬斬監候情罪尚屬允協應請照覆

嘉慶二十二年說帖

浙江按察使 奏查盜賊得賊有衣服首飾等類變賣者十居二三典當者十居七八以買主一時難遇

而典鋪則隨地皆有也例載凡典當收買盜賊贓物
不知情者勿論止追原贓其價於犯人名下徵償等
語定例最爲直截乃地方官查起當贓各鋪戶往往
慮徵償無獲故爲掩飾延挨致贓證不明犯得狡展
不知贓圖急脫其值必輕而物重人微亦易知來歷
苟鋪戶早慮其當本難償爾時何不卽留心覺察贓
難消售則盜不輕颺今旣疎忽於前則遵例吊起原
非過當請嗣後凡強竊當贓獲有原票及票失而當
官指明典當月日者與不知情而收買之贓一體辦

理立即委員查起帶同事主認明當官給領捕役不得經手事主亦不得冒認違者除全贓均不給外仍治其罪其當不買價於該犯名下嚴行責比或有無主贓物或有寄家房屋盡數追償僅地方官拘庇當賊不卽查起致有隱漏者察出嚴加叅處等語查例內強竊盜賊現獲之贓各令事主認領如不足原失之數將無主贓物賠補餘剩者入官如仍不足數將盜犯家產變價賠償若諸色人典當收買盜賊贓物不知情者勿論止追原贓其價於犯人名下追給等

語是查起典當賊贓以及追贓給主例載已極周詳
如該鋪收當賊贓獲有原票自應立時查起不得任
其掩飾延挨如指證未確亦不得藉端擾累自在
地方官遵照成例秉公辦理毋庸另立章程至典當鋪
戶收買賊贓經官起出原止於賊犯名下追價給償
定例昭然若將無主賊物概令追償典當不但與定
例有違且恐啓胥捕人等通同侵隱之弊殊爲未便
應將該按察使所奏無主賊物竊家房產盡數追償
當本之處毋庸議

乾隆二十四年題准通行

刑案匯覽卷十四終

卷十四

刑律賊盜

三

三